



大日本史記
列傳

貳拾



僧士
175
20

大日本史卷八十六



皇子一

神武四子

手研耳命

神八井耳命

彦八井耳命

岐須美美命

列傳第十三

權中納言從三位源光圀修

男權中納言從三位綱條校



安寧二子

息石耳命

磯城津彦命

懿德一子

武石彦奇友背命

孝昭一子

天足彦國押人命

孝安一子

大吉備諸進命

孝靈四子

彦五十狹并彦命

稚武彦命

日子刺肩別命

彦狹島命

孝元四子

大彦命

彦太忍信命

武埴安彦命

少彦男心命

開化三子

彦湯產隅命

彦坐王

武豐齒頰別命

崇神六子

倭彦命

豐城入彦命

八坂入彦命

彦五十狹弟命

五十日鶴彦命

大入杵命

垂仁十一子

響津別命

五十瓊敷入彦命

鐸石別命

池速別命

瞻武別命

大中津日子命

稚城瓊入彦命

祖別命

五十日足彦命

石衝別命

衣邪辯王

景行五十四子

大碓皇子

日本武尊

五百城入彦皇子

彥人大兄王

大板王

忍之別皇子

稚倭根子皇子

大酢別皇子

五十狹城彥皇子

吉備兄彥皇子

神擲皇子

稻背入彥皇子

武國凝別皇子

日向襲津彥皇子

國乳別皇子

國背別皇子

豐戶別皇子

豐國別皇子

五十切彦命

真若王

豐門入彦命

稚屋彦命

武國皇別命

真稚彦命

天帶根命

大曾色別命

五十河別命

石社別命

大稻背別命

武押別命

不知來入彦命

曾能目別命

十市入彦命

襲小橋別命

色已焦別命

熊津彦命

息前彦人大兄水城命

熊忍津彦命

櫛見皇子命

武第別命

草木命

稚根子皇子命

兄彦命

手事別命

大我門別命

豐日別命

三川宿禰命

豐手別命

倭宿禰命

豐津彦命

五百木根命

第別命

大焦別命

櫛角別命

皇
國朝皇子爲親王皇孫爲二世王以至三世四世五
世皆稱諸王亦猶春秋諸侯之子稱公子公子之子
稱公孫公孫之子稱公族上世簡朴親王之名未立
稱命稱皇子天武以後始有親王之稱嵯峨仁明文
德清和陽成光孝醍醐諸皇子或爲親王或賜源姓
以列人臣如桓武皇子良岑安世長岡岡成仁明皇
子貞登光孝皇子滋水清實皆特例也亦有出家歸
佛來者光仁皇子閑成華山皇子深觀覺源是也法
親王肇於白河皇子覺行其後比比相繼唐太宗所
謂盡王宗子於天下可乎者勢或然也然唐初諸王

猶有第土之封開元中諸王領州牧刺史都督節度
太使等而實不出外國朝親王領諸州太守皆爲遙
授之官釐務一委上佐主之雖乏維城之固而無尾
火之患蓋模倣開元之制而昇平無事之宏規也至
後醍醐朝軍國多事叛亂煽起恒良親王居撫軍監
國之地勤恢復拊討之略尊良世良護良三親王受
元帥之寄奏鷹揚之績名實不昧功效可睹日本武
尊以來所未嘗有亦可以觀世變也若夫疏汎天潢
莫非 神明之曹介輝瓊幹豈是人間之種本支百
世子孫十億仕城蘭陵之烈間亦有之河間東平之

美不多讓焉其如春日園宮崇道盡敬崇道天皇皆
據道尊之徽號以示特書之崇重作皇子傳

神武五皇子媛蹈鞫五十鈴媛皇后生神八井耳命

綏靖帝彥八井耳命舊彥八井耳命據妃吾平津媛生

手研耳命改須美美命據古事記手研耳命生于

日向從帝東征至紀伊熊野邑海中遇邊風人船多

漂浸帝與手研耳獨獲無恙至熊野荒坂津誅丹敷

戶畔七十六年春帝崩太子在諒闇以手研耳為長

兄久歷事故委以機務手研耳立操厝懷固忠仁義

至是咸福由已遂包藏禍心圖害太子及神八井耳

五十鈴媛皇后知其計以歌悟諸子皇后已下太子

知而密為之備會手研耳居片丘地室太子謂神八

井耳曰今適其時也太子排戶突入時手研耳依大

牀臥太子一發洞其胸再矢中背遂殺之實大歲己

卯冬十一月也自帝崩至于此凡四年矣明年庚辰

太子即位是為綏靖帝日本

神八井耳命當手研耳構逆與太子協謀誅手研耳

神八井耳服太子雄武曰汝速登天位我當為汝輔

奉典神祇也古事記曰我綏靖帝四年四月薨有子

日本神八井耳之後也而諸書不載其子今無所考

朝臣

彦八井耳命事闕有子按姓氏錄以彦八井耳為須美美命事闕

安寧三皇子濟名底仲媛皇后生息石耳命懿德帝

磯城津彦命日本紀

息石耳命一名常津彦某兄古事記常根津日子伊呂泥與某兄事闕有女曰天豐津媛為懿德帝皇后日本紀

磯城津彦命事闕有二子一某一日和知都美命居淡路御井宮生二女古事記曰倭國香媛曰垣某弟共

為孝靈帝妃日本紀

懿德二子皇子天豐津媛皇后生孝昭帝武石彦奇友背命日本紀按舊事紀以武石

武石彦奇友背命事闕有子

孝昭二皇子世襲足媛皇后生天足彦國押人命孝安帝

天足彦國押人命古事記作天男曰姥津命姥津命據姓氏錄

長女押媛為孝安帝皇后次女姥津媛為開化帝妃日本紀

孝安二皇子押媛皇后生大吉備諸進命古事記孝靈

帝日本紀

大吉備諸進命事闕

孝靈五皇子細媛皇后生孝元帝日本紀妃倭國香媛

生日子刺肩別命古事記彦五十狹芹彦命妃組某第

生彦狹島命稚武彦命日本紀按舊事紀有第稚武彦命誤

彦五十狹芹彦命一名吉備津彦崇神帝十年九月

為西道將軍會武埴安彦反與妻吾田媛分道內向

因留狹芹彦討之狹芹彦邀擊吾田媛於大坂斬之

殲其餘黨尋往西道巡按郡國六十年七月奉命與

武渟川別誅出雲振根先是武日照命之神寶藏在

出雲大神宮振根掌之帝欲見焉遣武諸隅往求之

振根適往筑紫其第飯入根受命使第耳美韓日狹

與子鸕濡渟奉神寶振根歸大怒讓飯入根曰當待

居數日而輒獻之汝何恐乎經年愈不解意欲殺之

遂誘入根至止屋淵見菱臨淵謂入根曰淵水清冷

願共游泳乃與共解佩刀入水振根先上陸拔入根

刀逼之入根驚執振根刀本刀也終為所殺韓日狹

鸕濡渟詣闕奏狀至是振根伏誅出雲臣等恐懼不

敢祭大神丹波人冰香戶邊得神語啓於皇太子皇

太子奏之敕彼祭之日本紀按自孝靈帝崩至崇神帝六十年九百七十八年矣而

不知狹并彦後世建狹并彦祠於備中曰吉備津宮
續日本後紀延喜式按一宮記曰此狹并彦有子曰

三井根子命舊事

稚武彦命古事記作若日子事關二女曰播磨稻日

大即姬曰播磨稻日稚即姬二女以下並為景行帝

后妃按自孝靈帝崩至于景行帝元年凡二百孫吉

備武彦命日本

吉備武彦命按父景行帝四十年日本武東征蝦夷

帝命吉備武彦與大伴武日連為副按自孝靈帝崩

十年凡三百二十五年矣據此吉蝦夷既平還至確

日坂日本武將出信濃別遣吉備武彦於越國鑿察

地形人民曰出美濃會日本武徒至尾張日本武有

疾將薨乃遣吉備武彦還奏狀日本子意加部彦命

成務帝時為廬原國造舊事紀國造紀按姓氏錄初

因賞其功賜廬原又以意加部

日子刺肩別命事關

彦狹島命古事記作事關

孝元五皇子鬱色謎皇后生大彦命開化帝少彦男

心命妃伊香色謎生彦太忍信命妃植安媛生武植

安彦命日本

大彥命崇神帝十年九月為北陸將軍受印綬與其
子武濤川別及彥五十狹芥彥丹波道主綏懷四方
號曰四道將軍大彥發京師到和珥坂日本紀本註云山背平坂
有少女歌曰瀾磨紀異利寐胡播椰飲廼餓鳥鳩志
齊務苦農殊末句志羅珥比賣那素寐殊望大彥異
之問曰汝何言也答曰無言也惟歌耳又反前歌忽
不見大彥歸以狀聞倭迹迹日百襲姬命言於帝曰
此武埴安彥將反之徵也於是留諸將軍議之武埴
安彥果反與妻吾田媛分軍自兩道帝命大彥及彥
國葺討之大彥等邀武埴安彥於山背時以忌免鎮

坐於和珥武鎌坂乃率精兵軍那羅山進與武埴安
彥挑輪鞞河武埴安彥臨河發矢彥國葺射殺武埴
安彥眾潰追破之河北餘眾悉降十月大彥等奉詔
各徃四道威德大行大彥有四子曰武濤川別日本紀
曰彥背立大稻腰命曰波多武彥命曰紐結命姓氏錄
一女曰御間城姬為崇神帝皇后武濤川別崇神帝
十年九月為東海將軍巡按海日本紀與父大彥會于
相津古事記六十年七月與彥五十狹芥彥奉命誅出
雲振根亟仁帝朝為大夫日本紀有二子長曰豐韓別
命次曰意布比命皇胤錄彥背立大稻腰命子曰屋

主田心命初大彦北征列免田炭坂偶聞孩兒啼求
而得之大喜使免田第媛乳之及長取為己子名得
彦宿禰紀日本大彦之孫磐鹿六雁命天姓名關景行
帝東巡自上總至淡水門聽覺賀鳥聲欲見其形求
之偶得白蛤六雁以蒲為繩作蛤贈進之帝悅賜姓
膳大伴部紀日本大彦忍信命

大彦忍信命事關生屋主忍男武雄心命日本紀雄
紹運錄及石清水祠官紀氏家譜曰彦大忍信命生
屋主忍命屋主忍命生武雄心武雄心生武內宿禰
檢景行紀曰三年遣屋主忍男武武雄心命於紀伊祭
神低因納菟道彦之女影媛生武內宿禰孝元紀又
曰彦太忍信命者武內宿禰之祖父也由此觀之紹
運錄紀氏家譜以屋主忍男武雄心為二人非也

武雄心生二子曰武內宿禰曰耳美內宿禰日本紀
記耳美作味師耳美味師國音通又按古事記以武
內耳美為彦大忍信命子蓋誤也而以耳美為武內
亦未詳武內宿禰自有傳

武埴安彦命崇神帝時居山代古事記按武埴安彦
古事記載崇神命十年與其妻吾田媛竊圖不軌稱
曰我廢兄今未詳兵分道內向帝使彦五十狹并彦遮擊吾田媛殺之
武埴安彦與大彦彦國葺等夾輪韓河相挑為彦國

葺所射殺日本紀
少彦男心命事關
開化四皇子伊香色謎皇后生崇神帝妃竹野媛生

彦湯產隅命妃姥津媛生彦坐王日本紀宮人萬城鷗

媛生武豐齒頰別命古事記

彦湯產隅命一名彦籜篲日本紀事闕有二子曰大筒

木亟根王曰讚岐亟根王大筒木亟根王有女曰迦

具夜媛入亟仁帝宮古事記

彦坐王事闕有十二男三女曰大股王曰小股王曰

志夫美宿禰王曰狹穗彦王曰袁邪木王曰室昆古

王曰丹波道主命日本紀按古事記丹波比古多

日本紀或曰彦湯曰水穗若王曰神骨王古事記神

音根國通曰山代大筒木真若王曰北古意須王曰伊理

泥王古事記女曰狹穗姬為亟仁帝皇后大股王有二

子長曰曙立王次曰菟上王古事記按本書亟仁紀

將往禱出雲大神卜曙立王菟上王為副於是屢見

奇瑞因敕稱曙立王曰倭者師木登美豐朝倉曙立

遣菟上王作其神宮與日本紀異也故不採狹穗

彦王亟仁帝五年及伏誅事在狹穗姬皇后傳丹波

道主命崇神帝十年為丹波將軍巡按丹波日本紀有

一男五女男曰朝廷別王五女皆入亟仁帝宮神骨

王一名八咫入日子王古事記為美濃國造舊事紀國

野前國造今從日本紀山代大筒木真若王生迦

邇米雷王迦邇米雷王生生氣長宿禰王古事記按

畢今紀共以氣長宿禰為開化帝曾氣長宿禰王生二
孫今據古事記所書則玄孫也男二女男曰氣長日子王曰大多年坂王古事記長女
曰氣長足姬為仲哀帝皇后日本紀

武豐齒頰別命事闕

崇神七皇子御間城姬皇后生垂仁帝彦五十狹第

命倭彦命五十日鶴彦命妃遠津年魚眼眼妙媛生

豐城入彦命妃尾張大海媛生大入杵命大入杵命

八坂入彦命日本紀據古事記有伊邪能真若命不

子為八

倭彦命垂仁帝二十八年十月薨十一月葬於身狹

桃花鳥坂以其近習為殉焉晝夜呻吟數日而絕死

屍爛鼻禽獸聚噉帝聽惻焉詔永禁殉死日本紀

豐城入彦命四十八年出治東國日本紀子曰八綱田

錄姓氏

八綱田垂仁帝五年十月狹穗彦反帝以八綱田為

將軍討之狹穗彦積稻為城堅不可破此曰稻城踰

月不拔帝命益兵八綱田縱火燒城狹穗彦伏誅帝

嘉其功加號曰倭日向武日向彦八綱田日本紀

八坂入彦命居美濃有二女曰八坂入媛曰弟媛八

坂入媛為景行帝皇后日本紀

彦五十狹弟命五十日鶴彦命大入杵命並事關

亟仁十二皇子狹穗姬皇后生譽津別命日葉酢媛

皇后生五十瓊敷入彦命景行帝日本大中津日子

命古事稚城瓊入彦命妃濟葉田瓊入姬生鐸石別

命按古事記有伊賀帶日子命蓋妃薊瓊入媛生池

速別命宮人薊幡戶邊生祖別命五十日足彦命膽

武別命宮人薊幡戶邊生磐衝別命宮人迦具夜

媛生遠邪辨王日本紀古事記按舊事紀曰真砥野

池速別命五十建石別命五十日足彦命而無薊幡

戶邊弟薊幡戶邊蓋稻別稻乃祖之記建石建乃速

膽武五十速石國音通大與二書異

譽津別命古事記作木年帝愛之常居左右五年皇

后兄狹穗彦反皇后抱譽津別入城帝諭城中出皇

后及皇子不聽及官兵將放火燒城皇后始出皇子

日本紀按古事記曰當燒城之時生皇子以譽津別

已三十年是日譽津別生據此是歲當二十二年而作三十

矣訛鬚髻八掬而不能語言猶為兒啼帝常憂之偶立

殿前譽津別侍焉時有鵠飛鳴譽津別仰見曰是何

物也帝聞其始言大嘉顧左右曰孰能獲是鳥天湯

河板舉古事記作曰臣能獲之帝曰果得此鳥必厚

賞之板舉望鵠追尋至出雲獲之以獻譽津別弄之

遂得能言因賞板舉賜姓取造按舊事記一說又定鳥取部鳥養部譽津部日本紀吾宮如帝則皇尚不能言覺而卜之曰出雲大神所崇因使木年智和氣命謁出雲宮以璿立王菟上王為副每所留食肥河行宮作青葉山於下流木年智和氣命望見曰肥山似山非山於下流木年智和氣命望見曰肥山幸肥長媛竊伺媛間居則蛇也畏怖歸京肥長媛追來木年智和氣命甚懼遽去帝喜夢有驗為造神宮若湯坐取部鳥耳部品避年智國音通

五十瓊敷入彥命嘗與景行帝在帝前各言所欲五十瓊敷請得弓矢因賜以弓矢於是儲位遂定語詳于景行紀三十五年奉詔往河內作高石池茅渟池

伴

日本紀又作狹山池日下高津池古事記三十九年居茅渟池日本紀又作狹山池日下高津池古事記三十九年居茅渟池

曰川上部又名裸部藏之石上神宮後帝命五十瓊敷掌石上神寶本書一說五十瓊敷命召鍛工河上倭文部神弓削部神矢作部大穴磯部泊櫃部以楯部

藏忍坂邑後八十七年五十瓊敷以老不堪職使妹

大中姬代掌神寶日本紀

鐸石別命古事記事闕有子曰稚鐸石別命稚鐸石別子曰田守別王一名健真別其子曰第彥王或第

一作一名健結別和氣圖仲哀帝崩靡坂忍熊構兵邀應

神帝于針間神功皇后使弟彦設關於針間吉備眾
防之是為和氣關錄功賜吉備磐梨縣因家焉錄氏
池速別命幼時築宮室於伊賀阿保村以為封邑子
孫遂家焉允恭帝時因賜姓阿保君山氏錄按二荒
彦五十狹茅帝第九子池速別命奉教祀伊勢大神
於鈴鹿川上而因事赴東國病失一目終不還京住
居下屯野室八寫子孫綿綿焉
膽武別命事闕無子因定伊都部古事記按膽武
大中津日子命推城瓊入彦命祖別命五十日足彦
命磐衝別命袁邪辨王並事闕
景行五十五皇子播磨稻日大郎姬皇后生大碓皇

尚

媛

子日本武尊八坂入媛皇后生成務帝五百城入彦
皇子忍之別皇子稚倭根子皇子日本紀一說及古
生后所大酢別皇子五十狹城彦皇子古事紀無吉備
兄彦皇子古事記有若木入日子與妃五十河媛生
神櫛皇子古事記為太即稻背入彦皇子妃阿倍高
田媛生武國凝別皇子妃日向髮長大田根生日向
襲津彦皇子妃襲武姬生國乳別皇子舊事紀有國
也衡誤國背別皇子豐戶別皇子妃御刀媛生豐國別
皇子日本紀妃物部五十琴姬生五十功彦命舊事宮
人播磨稻日稚郎姬生真若王彦人大兄王宮人訶

具漏媛生大枝王古事記其餘豐門入彥命推屋彥命
武國皇別命真推彥命天帶根命大曾色別命五十
河別命石社別命大稻背別命武押別命不知來入
彥命曾能目別命十市入彥命襲小橋別命色已焦
別命熊津彥命息前彥人大兄水城命熊忍津彥命
櫛見皇命按皇下武第別命草木命推根子皇子命
兄彥命手事別命大拔門別命豐日別命三川宿禰
命豐手別命倭宿禰命豐津彥命五百木根命第別
命大焦別命櫛角別命古事記為太即三十四人不
知所生併事關帝有男女八十人共封國郡日本紀或

為國造及稻置縣主古事記者七十餘人子孫繁衍所
謂諸國之別皆其裔也而舊史載名者五十五人日本紀

大碓皇子與日本武孖生也帝異之誥於碓因名大
碓小碓四年帝聞美濃國造神骨女兒遠子第遠子
並有國色命大碓使察其容姿大碓遂通二女日本紀
倂以他女為神骨女而獻古事記帝惡之四十年東夷
多叛帝問群臣誰當平其亂日本武奏言臣嘗既西
征是役必在大碓矣大碓聞之悚懼逃匿草中帝遣
人召來責之曰汝不欲往朕豈強之乎今未見賊何

懼之甚因出封美濃就國日本有二子長曰押黑兄

彦王兄遠子所生也次曰押黑弟彦王弟遠子所生

也古事記

日本武尊元名小碓命一名日本童男按日本武此

救賜之號然日本紀往往書曰日本武尊此當時用

為號或為蓋耶又取為追尊之號今檢本史無

所徵蓋小碓既誅梟帥所上稱之威名震世朝野益

敬重私相與以梟帥遠行于世史臣因寶錄之以寓

義今從于此有雄傑之氣及壯容貌魁偉身長一丈

力能扛鼎二十七年八月熊襲及十月舊事紀作二

使日本武討之時年十六將發曰拔欲得善射者與

之共行或曰美濃有弟彦公其人善射日本武遣葛

城人宮戶彦召之弟彦乃率其國人石占橫立及尾

張田子稻置乳近稻置偕來按田子稻置乳十二月

日本武至熊襲國察其形勢地理賊魁帥名取石鹿

父又名川上梟帥是日適宴其親族日本武被髮飾

為童女狀古史記曰日本武尊當發京師乞其姑

藏劍裊中密入居女人中梟帥一見悅之延置座側

舉杯戲押夜闌眾散梟帥沈醉日本武拔劍其胸未

殊曰姑待之吾有所言汝為誰曰吾是大足彦天皇

之子名日本童男梟帥曰吾國中之強力者也舉國

震襲無不從者吾嘗多見強勇未有若皇子者吾雖

賤陋願上嘉號可乎曰可臬帥曰自今以後號日本
武皇子言訖刺殺之自是稱曰日本武尊古事記曰熊曾胸斃之第建畏而逃小確追執共背皮既而分自尻刺之第建自言云云遂稱日本武尊遣第彥等誅殺醜類熊襲悉平浮海而還救吉備元海惡神難波柏濟惡神古事記以出雲據根殺第入根事為日本武尊年二月振旅入京師奏曰臣賴天皇之靈一舉戮熊襲之魁帥西州既謚元濟柏濟神久逞妖孽毒害路人故悉殺之開水陸之道帝美其功寵異之四十年六月東夷多叛邊境擾七月帝詔群臣曰東國不安暴神多起蝦夷悉叛今欲剷除誰堪其任者群臣不

知所對日本武奏言臣先年已西征是役應任大確大確聞之懼逃日本武奮曰熊襲既平未經幾年東夷又叛不知何日得睹太平臣不敢言勞請自行矣帝持斧鉞授之曰朕聞東夷性強暴凌犯為宗村無長邑無首各貪封疆互相盜略邪神姦鬼播害人民東夷種類蝦夷最強冬祀夏崇衣毛茹血登山如禽行草如獸兼恩則忘見仇必報揮箭頭髻藏刀衣中嘯聚黨類侵犯邊陲狙伺農桑劫略人民擊則伏草追則入山徃古以來未洽王化汝小確英姿特偉猛如雷電所向無前所攻必勝親則朕子實神人蓋天

愍朕不德使汝經綸天業天下即汝天下位即汝位也汝其深謀遠慮視之以威懷之以德日本武受芥
鉞再拜奏曰臣昔西征幸賴皇威提三尺劍擊熊襲國未經浹辰賊帥伏誅今亦伏神祇之靈藉天皇之威往臨賊境宣以德教猶有不伏即舉兵擊之言畢
又再拜帝命吉備武彥大伴武日從行古事記作吉備武彥建稻種公又以久米七掬脛為膳夫
友耳建日子熱田社緣起
久米據十月發京師枉道拜伊勢神宮告倭姬曰今奉敕東征以誅諸叛者故辭倭姬取神劍校之曰慎之莫怠日本武進至駿河古事記作相摸遇野火難亦曰至相摸

土賊給曰野多麋鹿狩則大獲日本武信其言遂獵於野賊乘風縱火日本武知見欺即鑽燧取火逆燒得免日本紀按本書一說曰日本武尊佩叢雲劍及
囊曰草薙古事記曰初詣齋宮倭姬命校神劍及
囊曰草薙古事記曰初詣齋宮倭姬命校神劍及
囊曰草薙古事記曰初詣齋宮倭姬命校神劍及
往上總望海揚言曰是小海耳可跳而起中流暴風
忽起舟漂危急時穗積茅搗媛從啓曰是必海神為祟妾願以身贖之言訖自投海古事記曰茅搗媛淡
海乃墳墓風止得著岸從上總轉入陸奧掛大鏡飾
船浮海出葦浦橫渡玉浦至蝦夷境夷酋島津神國

津國等屯兵竹水門以拒之遙望日本武船驚怖皆
拔弓矢迎拜曰仰視君容秀于人倫豈非神人願聞
姓名日本武曰我是現人神之子也蝦夷震慄入水
牽船到岸面縛請罪囚俘其渠帥以自從焉蝦夷遂
平還自日高見國西南歷常陸抵甲斐居于酒折宮
日本武曰蝦夷已伏罪而信濃越國尚未從化吾常
巡撫即自甲斐北歷武藏上野西逮于碓日坂日本
武常憐第播媛拔海死登碓日坂東南望三號泣曰
吾孀者耶故稱山東諸國曰吾孀國也分遣吉備武
彥往越國察地理要害人情逆順日本武遂入信濃

踰峻嶺幽谷飢餓山頂而食有白鹿當道日本武異
之以絲彈之中眼而斃古事記曰到足柄坂本而食
有耶斐先是過信濃坂者多中妖氣而病自此而後
嚼絲塗身及牛馬者得免其患云日本武迷而失道
不知所向時有白狗前行乃隨之得出美濃吉備武
彥自越國歸從到尾張宿宮篁媛家古事記曰日本
張宿尾張國菟之祖宮篁媛家悅之乃約再過而東
及還入其家發之熱田杜緣起曰宮篁媛建耜種之
妹也初日本武尊東行到尾張愛智郡時耜種曰
本郡水上邑有桑梓地請大王稅駕偃息日本武尊
抵其家因私見宮篁媛悅之淹留數日及其啓行自
赴海道令耜種別從山道會于淹留東平而還自取
山道耜種就海道會于尾張適會耜種改于駿河海
日本武尊聞計而哀促駕入宮篁媛家神皇正統記

亦曰宮篁媛尾淹留踰月聞近江膽吹山有神屢為
 張稻種之妹也
 民害又赴之即解神劍置宮篁媛家大伴武日諫曰
 今將誅暴神宜藉此劍日本武曰我徒手搏之翻足
 蹴殺遂徒行至山大蛇當道熱田社緣起曰日本武
 將行解劍授宮篁媛曰
 我歸京師必應迎汝敬持此劍護汝狀大伴武日
 諫曰云云古事記曰山神化為白猪今參取日本紀
 及兩說日本武謂是暴神之使令也今將殺其神而
 使令豈足懼哉跨蛇而行俄雲霧晦暝雨雹大作尺
 尺不辨陵冑而前至玉倉部昏迷如醉居息山下飲
 泉而醒故號其泉曰醒居泉自是始覺身有痛乃歎
 曰我意常謂天猶可翔也今行步孔艱倚杖漸進何

因憊遽至於此邪自玉倉至此參取
 日本紀古事記還歸尾張不復
 入宮篁媛家便移伊勢到尾津初東行食尾津濱遺
 一劍於松下至此猶存作歌賞松到能廣野疾甚因
 以所俘蝦夷等獻於大神宮遣吉備武彥奏於朝曰
 遠征東夷常被神恩賴皇威叛逆伏誅冀卷甲戢戈
 凱歌奏捷天命忽至獨卧曠野臣不敢自惜唯恨不
 能一觀耳以四十三年遂薨于能廣野舊事紀曰薨
 于尾張延喜
 式曰能廣野墓年三十按景行帝二十七年日本武
 在伊勢鈴鹿郡年十六然則至四十二年應
 三十二而作三帝開計晝夜悲泣寢食不常曰在昔
 十蓋脫二字也
 熊襲叛日我于小碓王率師征討既而恒在左右輔

朕弗逮東夷騷動無能討者割愛復遣無日不顧何
禍何罪倏亡戎子自今以後誰經綸鴻業即詔遣群
卿百寮葬之能獲野有白鳥出北域飛去開棺視之
唯有明衣於是遣使追尋其鳥集倭琴彈原因造陵
於其地白鳥又飛至河內止舊市邑古事記又造陵
於舊市又飛不知所之時人號三陵曰白鳥陵古事
日本武妃及諸子聞計共往伊勢迴陵哀歌其靈化
八尋白智鳥飛去妃及諸子痛哭作歌回首後世用
為天皇和泉大鳥郡大鳥神社常陸茨城郡吉田神
社皆祀日本武而後世列之祀典帝錄其功為定武
部五十三年詔群臣曰朕顧念小碓王今將巡狩其

所平之國因率伊勢遂歷東海諸國而還仁德帝六
十年十月差白鳥陵守充從下帝臨從所陵守目杵
忽化白鹿而走帝見而驚懼詔置陵守如故乃檢土
師連等日本武有七男一女長曰稻依別王次仲哀
帝次曰稚武王武卯王日本紀釋日本紀或作武敷
王古事記作達見兒王舊事
紀作武
十城別王稚武彥王蘆髮蒲見別王古事記作尺見
別舊事紀作葦
敏竈見別國音通梅古事記有息長田別王舊事紀
別載稻入別王息長田別王五十目彥王伊賀王武
田王佐伯命以武卯王武養蠶王別為稻依別王子
二人蓋謬矣今錄日本紀所載皇子數
曰倉見別麿坂忍熊之謀逆與五十狹茅共為將軍

發東國兵及敗不知所終日本紀本書景行紀曰
初紀曰犬上君祖倉見別雅武王生須賣伊呂大中
今推年紀其為天子明矣目子王大中目子王生訶具漏媛入帝宮古事蘆髮
蒲見別王仲哀帝元年十一月詔曰朕未逮弱冠父
王既崩神靈化白鳥仰望之情一日無息其令諸國
俾貢白鳥朕將放之陵池時時臨觀以慰朕情閏月
越國獻白鳥其人宿菟道河邊蒲見別過之問故答
以皇命蒲見別曰雖白鳥矢之為黑鳥強奪之越人
以聞帝惡其暴戾遣兵誅之日本紀
五百城入彥皇子景行帝未立太子諸皇子封州縣

者皆出就國五百城入彥與成務帝日本武尊俱在
朝擬儲位古事記有子曰品陀真若王生三女共入應
神帝宮舊事紀古事記
彥大人兄王女曰大中姬古事記為仲哀帝妃
大枝王有子曰大名方王
忍之別皇子稚倭根子皇子大酢別皇子五十狹城
彥皇子舊事紀狹城入彥五吉備兄彥皇子神櫛皇子梅姓
讚岐公餘曰景行帝皇子五十香足彥命之後酒部
公餘曰讚岐公同祖神櫛別命之後據此人且其母曰
名五十河媛則其有五香定彥之名未無相證下
所載五十河彥疑亦一人而舊事紀行出然稻芽入
日本紀不載神櫛有別名可疑姑附于此

彦皇子武國凝別皇子日向襲津彦皇子國乳別皇子國背別皇子豐國別皇子五十功彦命真若王並事闕

天保十二辛丑年二月三日謹書寫之

中村萬喜直衛

大日本史卷八十六終

大日本史卷之八十七

列傳第十四

權中納言從三位源光圀修男權中納言從三位綱條校

皇子二

成務一子

和訶奴氣王

仲哀三子

麿坂皇子

忍熊皇子

譽屋別皇子

應神十子

根鳥皇子

稚野毛二沓皇子

額田大中彥皇子

大山守皇子

皇太子菟道稚郎子

隼總別皇子

堅石王

去來真稚皇子

大葉枝皇子

小葉枝皇子

仁德二子

住吉仲皇子

大草香皇子 子眉輪王

履中二子

磐坂市邊押磐皇子

御馬皇子

反正一子

高部皇子

允恭三子

皇太子木梨輕

境黑彦皇子

八鈞白彦皇子

雄略二子

磐城皇子

星川稚宮皇子

繼體六子

大郎皇子

耳皇子

厚皇子

椀子皇子

兔皇子

中皇子

宣化三子

上殖葉皇子

皇子某

火焰皇子

欽明十三子

箭田珠勝大兄皇子

櫻井皇子

湍部穴穗部皇子

石上皇子

倉皇子

蠟嘴鳥皇子

椀子皇子

石上部皇子

山背皇子

檜本稚皇子

淡城皇子

葛城皇子

檜麻呂皇子

敏達六子

押坂彥人大兄皇子

竹田皇子

難波皇子

春日皇子

大汎皇子

尾張皇子

用明六子

聖德太子厩戶子山背大兄王

麻呂子皇子

來目皇子

殖粟皇子

田目皇子

次田皇子

成務一皇子宫人第財郎女生和訶奴氣王事闕古

記按日本紀仲哀紀曰成務帝无男故立仲哀為嗣據此既立仲哀為太子之後生和訶奴氣乎不然或以母微而不得立也

仲哀四皇子神切皇后生應神帝姬大中姬生麿坂

皇子忍熊皇子妃弟媛生譽屋別皇子日本紀按古事記以譽屋

別為神所生

麿坂皇子忍熊皇子皆應神帝庶兄也八年帝與皇

后征熊襲明年帝崩於行宮皇后生應神帝於筑紫

十年二月皇后率百僚奉梓宮欲從海路歸京師麿

坂忍熊聞之密謀曰皇后有子群臣皆從其必立幼

主今何顏以事之哉乃託作山陵往播磨作舟梁自
赤石及淡路島以絕海路宣言取石起陵時倉見別
及五十狹茅黨於麁坂因以為將軍發東國兵麁坂
與忍熊狩于菟餓野祝曰吾事可成必大有獲既而
共坐假皮有赤猪暴至噬麁坂而殺焉古事記曰麁
坂王上歷木
而坐封猪倒歷軍士恐慄忍熊謂倉見別曰是古怪
也此地不以待敵乃引軍退屯住吉又退軍菟道時
皇后聞變帥舟師至紀伊三月使大臣武內及武振
熊擊忍熊武內等出于山背屯於菟道河北忍熊出
軍將戰其先鋒熊之疑作歌高唱以勵其衆武內解

兵斷弦陽降忍熊信之亦解兵斷弦投之于河既度
河武內兵更弦掩其不意忍熊謂倉見別五十狹茅
曰吾既見給今無儲兵不可復戰乃引衆而退至逢
坂與武內戰大敗走及狹狹浪栗林士卒潰亡畧盡
忍熊窘迫悲歌乃與五十狹茅共投瀨田濟而死日本
紀

譽屋別皇子事闕

應神十一皇子仲姬皇后生仁德帝根鳥皇子妃高
城入姬生額田大中彥皇子大山守皇子去來真稚
皇子妃宮主宅媛生皇太子菟道稚郎子妃河泚弟

姬生稚野毛二汎皇子妃櫻井田部絲媛生隼總別

皇子妃日向泉長姬生大葉枝皇子日本小葉枝皇子日本

紀宮人迦具瀨媛生堅石王古事記按日本紀舊事

人而古事記曰皇子十一人皇女十五人凡二十六人

根鳥皇子事闕有子曰中日子王伊和鳥王古事記

稚野毛二汎皇子野或作淳事闕生三男四女男曰大郎

子一名意富富杼王曰取賣王曰沙禰王長女忍坂

大中姬命古事記為允恭帝皇后李女弟姬號衣通郎

姬亦入允恭帝宮日本紀

額田大中彥皇子應神帝崩皇太子與仁德帝相讓

不肯即位大中彥因欲領倭屯田屯倉謂屯田司游

宇曰屯田本屬山守地是以吾將治之汝不可掌游

宇不聽乃訖于皇太子太子不受往于仁德帝帝亦

不自決召倭吾子籠問之以狀告大中彥大中彥自

服而止六十二年大中彥狩于關雞望野有如屋廬

使人視之則窟也召關雞稻置大山主問曰何窟也

曰冰室也拙土夫餘厚籍茅茨藏冰其中以草覆之

夏不泮比當炎熱出而用之大中彥乃獻之帝自

是每季冬伐冰藏之至春分頒之日本紀

大山守皇子帝嘗欲立菟道稚郎子為嗣時仁德帝

及大山守行第在稚郎子上帝試設問諷其意大山
守對辭忤旨帝弗悅及立稚郎子命大山守掌山川
林野明年帝崩大山守素恚不得爲嗣重以倭化田
之事含怨益深時皇太子與仁德帝相讓遜居菟道
大山守密圖不軌將襲太子仁德帝知其計告太子
日本太子乃盛張帷于山上爲百官環列往來之狀
令一舍人佯爲太子坐胡床太子自著布衣禪操揖
雜舟子中伏兵於河邊以待大山守不知遲明至河
從士數百皆衷甲將上船望見山上帳帷以爲太子
在焉舟至中流太子命舟子蹈舫舫即傾大山守墮

水浮沈伏兵發矢不得著岸遂溺死太子鈎求其屍
得之考羅濟奴菴那良山日本紀古事記

皇太子菟道稚郎子幼好讀書師百濟人阿直岐及
王仁博通典籍帝甚鍾愛焉二十八年高麗上表曰
高麗王教日本國皇太子讀之大怒召使者責其无
禮面裂棄表文四十年正月立爲皇太子明年帝崩
皇太子讓位於仁德帝曰夫君天下以治萬民者蓋
之如天容之如地上下相驩天下安矣今我第也加
以不德何敢兼太業乎大王天姿岐嶷仁孝遠聞年
齒且長宜君天下先帝立我爲太子豈以才德唯愛

之也宗廟社稷重事也我何足稱之且昆上而季下
聖君而愚臣古今常典願大王莫疑速即帝位我當
爲臣助耳帝曰不然先皇謂皇位不可一日空豫撰
明德以爲貳祚之以嗣授之以民崇其寵章布聞萬
國我雖不賢敢棄先帝之命固辭不受太子亦不肯
立而遜于菟道作宮以居皇位空者三歲矣時有海
人獻鮮魚於菟道宮皇太子曰我非天皇也使之獻
難波帝亦辭諭以獻菟道魚鱗於路更獲以獻讓如
前日魚又鱗海人苦之棄魚而泣諺曰有海人困已
物以泣此其謂也皇太子曰我知不可奪兄王之志

豈久生以病天下乎乃自決帝聞之大驚馳到菟道
宮時已三日帝標擗叫哭乃解髮跨屍三呼曰我第
太子應聲輒自起坐帝曰悲哉惜哉何遽至此死者
有知先帝其謂我何皇太子曰天命也誰能留之我
見先帝於地下具奏兄王聖且有讓方今聞我死急
至母乃勞乎請納我同母妹八田皇女於掖庭言畢
而絕帝素服舉哀哭之慟遂葬於菟道山上日本紀
按續日
本後紀曰宇治雅彥皇子我
朝賢明其死也遺命敬骨
隼總別皇子仁德帝四十年三月帝欲納異母妹嶋
鳥以爲妃使隼總別通命隼總別與嶋鳥通久之不

復命帝未之知親臨嶋鳥室時嶋鳥織謙侍女歌曰
比佐箇多能阿梅箇儺麼多謎廼利餓於瑠箇儺麼
多波挪步佐和氣能瀾於須譬賦泥帝乃知隼總別
私通意舍之日本紀按古事記曰天皇今速總別王
后之姤不能納八田若即女故吾不欲事願為君妻
即相姤因不彼奏天皇偶幸嶋鳥王室嶋鳥王上機
而織天皇歌云然帝素友愛且憚皇后隱忍不罪一
云嶋鳥王答歌然帝素友愛且憚皇后隱忍不罪一
日隼總別枕嶋鳥膝而臥謂曰鷦鷯與隼孰捷曰隼
哉曰是哉所以先也帝聞而惡之隼總別舍人等歌
曰破夜步佐波阿梅珥能朋利等珥箇慨梨伊苑岐
餓宇倍能波特岐等羅佐泥帝聞而大怒曰朕不欲

以私怨滅親然彼反欲危社稷乎乃欲殺之日本紀
記曰嶋鳥王見速總別王來歌曰比婆理波阿米彌
迦氣流多迦由玖夜波夜夫佐和氣佐邪岐登良佐
泥帝聞之欲隼總別與嶋鳥逃赴伊勢神宮帝敕吉
備品遲部雄鯽播磨佐伯阿倭能胡追之曰所及即
殺之雄鯽等追及伊勢將代野殺之日本紀按古事
與嶋鳥王逃入倉梯山行記曰速總別王
堅石王事闕有子曰久奴王古事
去來真稚皇子大葉板皇子小葉板皇子並事闕
仁德五皇子萬城磐之媛皇后生履中帝住吉仲皇
子反正帝允恭帝妃日向諸縣髮長媛生大草香皇

子日本紀

佐吉仲皇子廢中帝既除喪未即位欲納羽田矢代女黑媛為妃使仲往告期仲乃偽為帝姦之歸適遺手鈴翌夜帝至褰帳而入牀頭有鈴音帝怪問曰何鈴也媛曰非昨夜所賣之鈴乎帝方知仲姦之默而去仲恐誅舉兵圍宮平群木免等奉帝竊逃入倭仲縱火焚宮使阿曇濱子命淡路海人扼飛鳥山帝已至聞有兵使踰菟田海人數十追之反為帝所獲倭吾子竈為仲以兵拒帝於椽食栗林見官兵多集乃降帝使瑞齒別皇子與平群木免赴難波討仲瑞齒

別皇子啗仲所親近隼人刺領巾以重賞刺領巾刺

仲于廁上殺焉日本紀

大草香皇子一名波多毗大郎子帝為置大日下部

古事記按草香日下國音通安康帝立欲為大泊瀨皇子聘大草

香妹幡檢使根使主致其意大草香對曰臣近沈重

痾命之危促譬如載物于舩以待潮至但所以未能

遽死者有孤妹以為之念而已今陛下不嫌其醜陋

辱備苜菜之數臣之生願何以加之因以所寶愛押

木珠纓附根使主曰菲薄微物願為信契卿宜為奏

上根使主視其可珍私匿之佯奏曰大草香有不敢

之色其言甚驕帝怒遣兵圍大草香第攻殺之其臣
難波日香蛾父子三人死之帝乃取幡檢為大泊瀨
皇子妃大草香妃中蒂姬生眉輪王日本紀
眉輪王安康帝元年二月帝既殺大草香取其妃中
蒂姬為妃尋立為皇后眉輪王以母故免罪養宮中
三年八月帝幸山宮宴于樓上酒酣謂后曰吾妹日本紀
本書本注上汝雖親昵唯恐眉輪王長之後知朕
殺其父必有報仇之心朕常以為念牙因枕后膝而
臥日本紀○長至念眉輪時年七歲古事記遊戲樓
下悉聽其言遂登樓伺帝醉睡刺而弑之日本紀○古
按

取天皇傍大泊瀨聞變疑諸兄使之自率兵按劾賊
刀斬之
所由眉輪曰臣不求天位唯報父仇境黑彥皇子教
眉輪俱走匿大臣萬城圓第大泊瀨遣使索之圓不
出之乃益兵圍第縱火眉輪王等焚死日本紀○按水
鏡曰眉輪王
自刎頸
而死誤
履中二皇子妃葦田黑媛生磐坂市邊押磐皇子御
馬皇子日本紀
磐坂市邊押磐皇子押磐磐一作羽古安康帝嘗欲
傳國押磐豫屬後事大泊瀨皇子啣之既誅眉輪遣
使誘押磐曰近江狹狹城山韓佞言來田綿蚊屋野

多猪鹿願與皇子縱獵同娛押磐乃從獵大泊瀨陽
呼曰有猪彎弓而馳射殺押磐帳內仇伯部賣輪一
子抱屍號哭而不去又併殺之紀日本盛押磐以槽而
埋之古事押磐生億計王弘計王橘王及一女億計
王弘計王避難走至播磨赤石語在顯宗紀清寧帝
崩弘計王即位是為顯宗帝乃下哀詔訪求押磐之
屍因召耆老親臨問之有一老嫗名置目狹狹城山
倭城之妹也進言識其所帝與皇太子將置目幸敗
屋野果得焉臨壙哀慟曰自古以來莫如斯慘乃欲
改葬之而押磐與佐伯部賣輪同瘞不可識別押磐

乳母奏賣輪上齒墜矣因僅得辨觸體於是起僕冢
葬儀無異乃誅與殺押磐者狹狹城山韓成韓成叩
頭乞哀赦減其罪削籍充押磐守冢隸山部連倭成
以置目有功赦賜其本姓特詔居置目於宮中朝夕
入侍賞賚優渥置目年老行步甚窘詔自火殿戶至
置目所亘繩繫鐸緣之出入以代傳謁二年置目以
衰菴願歸家帝為惻然賜御製歌及物千段遣歸之
仁賢帝敕求諸國佐伯部以賣輪後為佐伯造日本
紀古
事御馬皇子與三輪身狹善至押磐見殺憂懼無措因

徃身狹許大泊瀨皇子遣兵徵之三輪磐井側御馬
與戰被獲臨死指井詛曰此井百姓飲王者不能飲

日本紀

反正皇子宫人第媛生高部皇子日本事闕

允恭五皇子忍坂大中姬皇后生皇太子木梨輕境

黑彥皇子安康帝八鈞白彥皇子雄畧帝日本紀古事記

皇太子木梨輕帝嘗為定輕部古事記二十三年三月

立為皇太子容姿麗同母妹輕大娘亦豔太子每念

合之懼罪未果而戀戀殆將死自以為與不言而徒

死不若遂所欲以獲罪於是姦之明年六月御膳羹

冰帝異之命卜卜者曰有內亂親親相姦耶有人曰

皇太子通大娘皇女因推問得實帝謂太子儲貳也

不可加刑乃流大娘於伊豫四十二年帝崩太子行

暴虐淫于婦女群臣属心於允穗太子密集兵將襲

之允穗亦為之備各造器械各造器械據古事記允穗箭拈輕

拈箭並始于此太子度人心背離乃匿物部大前之

家允穗圍之大前迎謁曰願勿害太子臣將有所請

太子遂自殺或云流于伊豫日本紀按古事記曰天

其妹輕大即女百官民庶悉背而歸允穗皇子太子

恐逃入大前小前大臣之家云大前小前大臣捕

太子以降於是流之伊余湯臨發輕大即女追

至即共自殺又按水鏡以為安康元年事誤

境黑彥皇子八鈞白彥皇子共為大泊瀨皇子所殺

坂合部贄抱黑彥尸亦同焚死日本紀按古事記曰

泊瀨皇子聞變到黑彥許與之謀黑彥不驚大泊瀨

皇子罵而拔劍殺之乃到白彥許亦如黑彥大泊瀨

皇子把其衿牽至小治田掘穴而立瘞之比波腰而眼自脫而死

雄略三皇子元妃葛城韓媛生清寧帝妃吉備稚媛

生磐城皇子星川稚宮皇子日本紀

星川稚宮皇子為人悖戾無行二十三年八月帝疾

大漸遺詔大連大伴室屋等勿使星川與政事帝崩

母稚媛竊謂星川曰欲登天位先取大藏之官磐城

皇子諫曰太子雖笄而居東宮安可欺乎星川不從

據大藏鎖閉外門擅用官物室屋等發軍圍大藏縱

火磐城星川及從之者焚死河內三野縣主小根衝

火走出抱草香部吉士漢彥脚求哀漢彥為請室屋

而免之小根乃以難波來目邑大井戶田十町納室

屋又以田地與漢彥吉備上道臣等聞亂欲拔星川

率戰艦四十艘來聞其敗而歸清寧帝遣使讓之奪

其所領山部

繼體九皇子手白香皇后生欽明帝元妃尾張目子

媛生安閑帝宣化帝妃三尾稚子媛生大即皇子妃

三尾倭媛生梳子皇子耳皇子妃和珥美媛生厚皇

子妃廣媛生兒皇子中皇子日本紀

大郎皇子耳皇子厚皇子並事闕

梳子皇子事闕有子

鬼皇子事闕有子

中皇子事闕有子

宣化三皇子橋仲皇后生二子其一曰上殖葉皇子

其二早大日本紀按古事記妃大河內稚子媛生火

焰皇子日本紀按古事記曰橋仲皇后生倉之若江王

上殖葉皇子一名梳子日本紀事闕子曰十市王十市

王子曰多治比古王賜姓多治比公三代實錄貞觀八年

火焰皇子事闕有子

欽明十六皇子石姬皇后生箭田珠勝大兄皇子敏

達帝元妃倉稚綾姬生石上皇子妃日影皇女生倉

皇子妃蘇我堅鹽媛生用明帝蠟鬣鳥皇子梳子皇

子石上部皇子山背皇子櫻井皇子橋本稚皇子妃

蘇我小姊君生茨城皇子葛城皇子渥部穴穗部皇

子崇峻帝妃春日糠子生橋麻呂皇子日本紀

箭田珠勝大兄皇子十三年四月薨

櫻井皇子事闕有女曰吉備姬王紹運錄適弟濟王生

皇極帝及帝即位尊孺吉備島皇祖母命二年九月

薨葬于檀弓罔詔大仁土師猪手視其事日本紀

湍部元穗部皇子古事記作三枝一名天香子又曰

住迹敏達帝崩元穗部竊懷覬覦時群臣悉集殯宮

元穗部發憤言曰何故事死王之庭而不朝生王之

所既而用明帝即位元穗部陰謀弗軌元年五月欲

煎炊屋姬皇后強入殯宮三輪逆麾兵衛鎖門不內

元穗部問曰何人在此兵衛答曰三輪君逆在焉元

穗部七呼遂不開門於是謂大臣蘇我馬子大連物

部守屋曰逆屢無禮前奉誅殯庭曰不荒朝廷淨如

鏡面治平奉仕方今天皇子第多且两大臣在誰得

言專奉仕其無禮如此又余欲觀殯宮拒而不入七

呼不應願斬之二人共曰唯命元穗部本與守屋善

便俱率兵衛磐余池邊逆知之逃於三諸岳夜半出

山潛匿炊屋姬皇后別宮海石榴市為族人白堤橫

山所告元穗部復遣守屋擊逆及其二子因又欲自

行馬子聞之抵元穗部家會其出門乃諫曰王者不

近刑人請莫自往元穗部不肯馬子從到磐余池邊

切諫之元穗部乃止踞胡牀以待守屋還久之守屋

至曰誅滅逆等日本紀一說曰元穗部皇子自行射殺逆者敏達帝寵

臣悉委内外之事自是皇后及馬子俱惡穴穗馬子
奉炊屋姬皇后詔遣佐伯丹經乎土師磐村的真噉
討穴穗部及宅部宅部與穴穗部最相善是夜將半
丹經乎等圍穴穗部宮兵士登樓擊穴穗部肩穴穗
部墜地走入偏室乃舉燭索而殺之明日誅宅部
紀按日本紀本註曰宅部皇子于檜隈天皇之子女
王之父也未詳聖德太子傳曰穴部皇子宅部皇
子者用明帝兄弟弟皇亂紹運錄以宅部為穴穗部
茅又檜隈天皇宣化帝也欽明帝雖葬檜隈坂合
陵未見檜隈天皇然舊史
註既言未詳則無可考定

石上皇子倉皇子蠟嘴鳥皇子梳子皇子石上部皇
子山背皇子橋本稚皇子淡城皇子葛城皇子橋麻

呂皇子並事闕

敏達六皇子廣姬皇后生押坂彥人太兄皇子炊屋
姬皇后生竹田皇子尾張皇子夫人春日老女君生
難波皇子春日皇子大瀨皇子日本紀
押坂彥人大兄皇子又名麻呂古日本紀按曰太子彥
人皇子古事記亦稱太子然其立為生舒明帝日本
太子他無所見蓋其追尊而稱乎
中津王多良王古事記按姓氏錄載大原真人島根
桑田真人海上真人清原真人山於真人野真人
皆為敏達帝孫百濟王之後掾此多良王上疑脫一人
文字久多良弟淳王山代王笠縫王及一女皇古事記
百濟國音通弟淳王山代王笠縫王及一女皇古事記
錄茅淳王娶再從妹吉備姬王生皇極帝孝德帝日本

紀

竹田皇子一名小具

古事記 事闕

難波皇子事闕有子曰粟隈王自有傳橘氏系圖一

生大股王大股王生象隈王今從姓氏錄公卿補仕

春日皇子事闕有子

大汎皇子姓氏錄作大股王當舒明帝時蘇我氏弄權朝政

懈弛大汎憂之謂蘇我蝦夷臣曰群卿及百寮朝參

甚晚請自今以後卯初而朝已後而退以鐘為候蝦

夷不從日本紀有子

尾張皇子有二女長曰多至波奈大女即為聖德太

住

子妃次曰位奈部橘王亦入太子宮及太子薨多至

波奈悲哀上奏曰我大王與母王如期從遊大王嘗

告世間虛假唯佛是真既味其法謂我大王應生於

大壽國中而彼國之形眼所已看願因圖像觀大王

徃生之狀推古帝為悽然乃教諸采女造繡帷二張

使東漢末賢高麗加西溢漢奴加巴利畫之法王帝說

用明六皇子元穗部間人皇后生聖德太子厩戶來

目皇子殖粟皇子次田皇子嬪蘇我石寸名生田目

皇子宮人葛城廣子生麻呂子皇子日本紀按本書推古二年條以

厩戶為第二子蓋不拘嫡庶以年齒為排行也

天

琉

聖德太子廐戶日本紀一說曰又名豐耳聰聖德太子傳稱而非生
子傳補闕記元亨釋書聖德舉太子全行稱而非生
時所稱矣日本紀不言名聖德敏達五年紀第書東
宮聖德非為名矣神皇正母元穗部間人皇后敏達
統記以聖德為謚蓋是矣敏達
帝元年出巡視宮省至馬官廐戶不勞而產因名曰
廐戶焉日本紀敏達元年數月而言日本紀年五六歲諸
皇子集於宮中相戲口鬪帝聞取答而起諸皇子皆
走避太子獨袒衣而進帝曰汝何爾耶對曰不可天
階而升不可地穴而隱所以進受答也帝異之大悅
傳曆補稍長好讀書性最聰敏多智嘗使十人同聲
訢事太子並聽各悉其事情畧無違錯日本紀按帝

詰

同聲訢事太子並聽無違錯故號曰八耳皇子帝愛之居之宮南上殿因稱
上宮廐戶豐聰耳日本紀太子好釋氏博覽經論以志
尚同與大臣蘇我馬子善十四年天下大疫馬子奏
請禱佛冀蒙福助日本紀敏達帝固不好佛謂太子曰
我國自有神而今馬子請祭異域之神為之如何太
子曰諸佛之道諸神亦不敢違焉今馬子請興佛法
是國家之福矣帝乃允馬子請傳既而疾疫滋盛大
連弓削守屋中臣勝海奏曰疫疾流行未息蓋由于
馬子重興行佛法也請仍前禁斷帝從之下詔燒祠
宇佛像日本紀太子馬子切齒惡二人所為傳曆補是

歲敏達帝崩用明帝即位明年帝患瘡彌留日本太

子晝夜侍側祈請三寶口不絕響傳帝因欲歸佛而

先是天子未曾禮佛是以召群臣會議守屋勝海極

陳不可馬子曰當詔之誰敢異議即引豐國法師入

于宮中日本太子握馬子手垂涕曰三寶妙理人不

之識妄生異議非大臣歸心於福田何以致之哉馬

子叩頭曰賴殿下聖德興隆佛法臣死日猶生年矣

傳守屋睥睨愠而坐日本太子謂左右曰大連迷因

果理禍今將至但未覺耳傳或以告守屋守屋即

備兵自衛勝海以衆助守屋太子使舍人迹見赤檮

陰殺勝海參取日本紀已而帝大漸太子為造丈六

藥師佛像禱帝愈帝聞悲慟而崩日本紀時繼嗣未

定守屋欲立元穗部皇子馬子先遣兵攻元穗部日本

紀太子頗有所言不聽而殺之傳遂與太子謀殺守

屋時用明之喪在殯太子束髮於額日本紀本註曰

六間束髮於額十七八歲分為角以白膠木造四天

王像真於頂殿軍而進守屋敗死太子乃建寺安四

天王像收守屋奴婢資財田宅悉施捨焉分田一萬

頃賞赤檮日本崇峻帝立惡馬子驕暴密謂太子曰

馬子內恣私慾外矯飾以如來教而實無忠義之情

汝以為如何太子對曰誠如聖旨伏願陛下惟忍焉
水傳曆耳水傳曆帝剛腸嫉惡曆傳時有忿言馬子聞忌之密圖
弗軌紀日本太子處其間兩知其計而不能有匡濟隱
忍累日愚管抄詳帝遂以弒崩時事起不意群臣驚
動馬子命殺數人而定水傳曆太子聞而哭曰過去報
也曆傳馬子後捕行弒者東漢駒數罪殺之日本紀參
鏡天下益憎其所為焉水傳太子亦曰雖有此誅而弒
君之名十載不能雪矣曆傳然復翻早附之無敢與忤
按愚管抄云崇峻之弒太子時在焉然不敢一問馬
子罪還與之相親信視帝之崩若曰固宜然者何也
蓋謂佛法為王法之大寶之臣是亡佛法也故
峻無道一旦欲殺歸三寶之臣是亡佛法也故

馬子弒之太子不以為逆矣且謂崇峻之立惟以次
及之已非有德之謂又偶有不好計賴促其作即將
欲令其推古臨太子攝政馬子輔佐俱興行佛法也
此在其時也為重為急太子無異論也其攝論太子宜矣
故恬觀不以為重而十歲無異論也其攝論太子宜矣
此令觀諸書所記太子仁弱不可自解以備于詳矣
其意頗有取於義因說去前定于此以備于詳矣
書所言歟今往往其意註其詞于此以備于詳矣
迺與群臣勸進敏達帝皇后臨朝是為推古帝推古
元年立為皇太子仍錄攝政以萬機委焉明年詔太
子及馬子興隆佛法於是諸臣連等競造佛塔是謂
寺明年高麗僧慧慈來太子師之日本從受其戒倣
浮屠之號自命曰勝鬘四天王寺著勝鬘維摩法華
經疏號曰上宮疏皆得深義云帝說帝令太子講其

義又引諸蕃法師於前論問太子法服持香升法座
揮麈尾酬應日本紀參取帝喜之詔賜播磨水田一
百町日本紀又增湯沐邑加給東宮俸二陪于常式太
子皆施諸所創寺五年上太子號曰大法王皇太子
又曰法主王太子固辭帝說傳曆十一年太子始制
冠位十二階事詳于百官志明年制憲法十七條改
定朝禮言在本紀十三年移居班鳩宮日本紀太子嘗
疑法華經有脫字欲得全經曆傳十五年奏請使大禮
小野妹子聘于隋日本紀其書皆太子之詞也明年妹
子獲經而歸曆傳十九年五月五日帝將幸免田觀野

人逐獸日本紀太子諫曰佛教五戒一為不殺生儒之
所謂仁也願陛下永斷此事帝納之曆傳自是每歲以
此日採藥名曰藥獵日本紀二十二年馬子疾太子奏
為馬子度僧尼一千人入道二十八年與馬子撰天
皇紀國紀及臣連伴造百八十部公民本紀日本紀二
十九年正月太子疾帝說帝使田村皇子訪疾且問所
欲言太子便附田村皇子報奏而其所言不過紹興
佛法造修伽藍事扶桑畧二月薨于班鳩宮日本紀年
四十九水鏡帝說傳葬磯長陵日本紀天下莫不哀惜
哭泣之聲滿行路踰月不絕日本紀參取傳曆 世傳太子生

也右手拳不啓身常有異香二歲二月東向稱南無
佛自啓手出佛舍利云水鏡傳曆補闕記元及長常
修梵行又好爲怪誕不經之語自說前身未然事聽
者莫不眩惑迷謬參取日本紀釋書嘗遊片岡山視
飢者太子命與飲食自解衣覆之還明日遣人視之
已死乃棺斂葬其所後數日太子謂左右曰前日飢
者是真人也復遣人開墓視之唯有空衣棺時人甚
驚異焉日本紀按傳曆補闕記載飢者歌而日本紀
枝歌三首其一曰伊賀留我乃止美能乎何波乃多
獻婆許曾和何於保支義乃彌奈和須良獻米傳曆
補闕記以爲初欽明十四年百濟始貢佛像經論帝
飢者歌繆矣

帝

疑之未信歷問群臣蘓我稻目最先信其道物部尾
輿中臣勝海固執正議排之是以其法廢而不行及
太子與馬子相得竟殺毀佛者守屋勝海併弑崇峻
而其道始熾不數十年寺四十六所僧尼一千三百
八十餘人日本紀太子所建寺曰四天王法隆中宮橘
樹蜂岡池後萬城元興日向定林法興帝說傳曆其
傷教之源起于太子至後世奉佛過甚朝禮人事當
處其半太子有八男六女長曰山背大兄王次財王
日置王長谷王三枝王伊止志古王麻呂古王白髮
部按紹運錄傳曆多以用明皇
子爲太子子今從法王帝說

山背大兄王太子長子也於諸子最賢帝三十六年
推古帝大漸田村皇子入受遺詔又召大兄詔曰汝
肝稚若雖心望而勿誼言必從群議明日帝崩大臣
蘇我蝦夷難所立乃令群卿於私第宣二王子所受
遺詔群議未決大兄聞之遣三國王櫻井和慈古密
謂蝦夷曰聞舅欲以田村皇子即位我思之未得其
理願明聞舅意蝦夷乃使阿倍麻呂等往啓大兄曰
賤臣何輒定嗣位惟舉遺詔以告群臣群臣並言如
遺詔則田村皇子自當嗣位是群卿言也殊非臣心
臣雖有微意不可傳啓願得間面言大兄使人問麻

呂等曰遺詔如何對曰臣等不知其詳唯聞大臣所
宣曰先帝大漸之日詔田村皇子曰非輒輕言來政
是以汝田村皇子慎以言之不可緩次詔大王曰汝
肝稚勿誼言必宜從群議是乃諸女王及采女等悉
所聞也大兄又問曰遺詔誰專聞之曰臣等不知其
密大兄乃令告麻呂等曰我舅甚勞思匪啻衆使之
命特遣重臣厚見教諭寔大恩也然今群卿所稱遺
詔者與我所聞小異我嚮聞先帝不豫馳詣闕下中
臣彌氣自禁省出曰天皇召王乃進向閤門乘隈采
女黑女來迎庭中引入大殿栗下女王及女孺鮪女

等數十人侍帝側田村皇子亦在焉帝大漸弗能親
我粟下女王奏曰山背大兄王至帝起而詔曰朕以
寡薄久兼大業今曆運將終病不可諱汝本為朕腹
心愛竈之情不可為比夫國家大器非惟朕世自古
難之汝雖肝推慎以言當時左右近習咸知之我蒙
此大恩一則以喜一則以悲不知所為意謂宗廟社
稷重事也我眇小不賢何敢當此即欲告舅及群卿
而未得其間以迨今日耳我曾訊舅病抵京師居豐
浦寺是日先帝遣八口米女鮪女傳詔曰汝舅大臣
常為汝言百歲之後嗣位非當汝乎故慎自愛既有

是事何疑也然我非貪天下唯告所闕神祇證之今
群卿者誤如執嚴者釋曰本紀曰執嚴者能取其
中明復我舅時泊瀨仲王按帝說聖德太子生長谷
國音通疑此人歟然下文曰我等父子自蘇我氏別
遣中臣彌氣及河邊竊謂蝦夷曰我等父子並自蘇
我出天下所知是以恃之如高山願嗣位勿輒言乃
遣三國王櫻井和慈古與阿倍麻呂等俱往請聞其
答蝦夷令紀鹽乎大伴鯨謂之曰前日言訖無復異
臣敢輕何王重何王數日大兄又遣和慈古告蝦夷
曰前日之事唯陳所聞耳寧違舅哉是日蝦夷有疾

不見明日召扣慈古與麻呂等啓大兄曰從磯城島
宮御宇天皇以逮近世賢哲輔政今臣兼之謬居群
臣上以不能屬大事久曠鴻基而此事至重不可傳
道唯願面啓不誤遺教先是蝦夷私與第境部摩理
勢議所立摩理勢欲立大兄至是復問摩理勢固執
不移遂到班鳩居泊瀨王宮按泊瀨王蓋蝦夷怒遣
泊瀨仲王也群卿請大兄捕之大兄答曰麻理勢聖皇所好而暫
來耳我豈違舅情乎願勿咎乃謂摩理勢曰汝不忘
先王之恩而來然因汝一人天下應亂先王臨沒教
諸子曰諸惡莫作諸善奉行我兼斯言以爲永戒故

雖有私情隱忍而不言亦莫以爲怨我切不欲違舅
氏願自今改心以從群議諸大夫亦誨摩理勢莫逆
此命於是摩理勢還家十餘日泊瀨王病薨蝦夷遣
兵攻摩理勢殺之明年蝦夷奉田村皇子即位是爲
舒明帝至于皇極帝踐祚蝦夷子入鹿專政欲以古
人大兄皇子爲嗣忌大兄等名振天下謀除之二年
十一月遣軍衆于班鳩襲大兄等奴三成與舍人數
十拒戰射其將土師猪手殺之軍衆怖退相謂曰一
人當千三成之謂乎大兄置馬骨內寢與子弟妃妾
衆間逃匿膽駒山軍衆縱火燒宮見燼骨以爲大兄

等皆死也解圍而去大兄等在山中絕糧數日三輪
文屋君勸曰請就深草屯倉將馬抵東國賴乳部興
師還戰其必克之大兄曰卿言固然但我嘗願十年
不伐民且以一身故何害百姓又不欲俾民言由我
以亡其父母夫捐身安國豈不丈夫歟何必戰勝
是務已而入鹿聞大兄等在山中實未死而大懼速
遣兵索之終不能獲大兄等還入班鳩寺兵復來圍
大兄使文屋謂諸將曰吾若起兵討入鹿取勝必矣
然百姓何辜我不欲害之故今以一身賜入鹿乃與
子第妃妾自經死時人云時幡蓋伎樂見於空中指

示入鹿變為黑雲

日本紀

大兄子難波麻呂古王麻呂

古王弓削王甲可王尾張王及二女

帝說按豐聰耳

可疑傳曆難波麻呂古王作難波王麻呂古王此

未呂女玉恐或得實傳曆又載佐佐王為八人至

大兄等薨豐聰耳子孫男女悉絕先是有童謠曰伊
波能杯爾古佐屢渠梅野俱渠梅多爾母多礙底騰
哀囉栖歌麻之之能鳴臑時人說之曰伊波能杯爾
喻上宮古佐屢喻入鹿渠梅野俱喻燒上宮渠梅杞
爾母陀礙底騰哀囉栖柯麻之之能鳴臑喻山背王
頭髮班雜色似山羊毛又曰棄宮匿山之兆也日本紀
麻呂子皇子又名當麻來目之庶兄也推古帝十年

征新羅大將軍來目途病薨明年四月麻呂子為征
新羅將軍七月從難波發舩以夫人舍人姬自從至
播磨赤石舍人姬薨乃葬之檜笠岡上於是麻呂子
亦不果行而歸京師日本紀麻呂子嘗受聖德太子教
創方法藏院推古帝敕為官寺當麻寺是也著聞集元亨釋

來目皇子推古帝十年為擊新羅將軍將眾二萬五
千以討新羅四月到筑紫也島郡大聚舩隻運輸資
糧六月來目遇病不得發明年二月遂薨于筑紫帝
聞大驚謂皇太子及大臣蘓我馬子曰皇子方臨大

事其功未遂朕甚悲焉乃遣土師猪手殯于周防娑
婆後葬於河內填生山岡上日本紀有子

殖粟皇子事闕有子

田目皇子又名豐浦按帝說曰用明帝崩後田目王

王然他事闕無左驗

次田皇子事闕

天保十二辛丑年二月二十七日謹書寫之

中村萬喜直道

大日本史卷之八十八

列傳第十五

權中納言從三位源光圀
修男權中納言從三位綱條
校

皇子三

崇峻一子

蜂子皇子

舒明二子

古人大兄皇子

蚊屋皇子

孝德一子

有間皇子

天智三子

建皇子

川島皇子

春日宮天皇施基

帝大友二子

葛野皇子

與多王

天武十子

岡宮天皇草壁

大津皇子

崇道盡敬皇帝舍人

長親王

穗積親王

弓削皇子

新田部親王 子道祖王

高市皇子

忍壁親王

磯城皇子

聖武二子

皇太子某

安積親王

光仁五子

崇道天皇早良

稗田親王

廢太子他戶

廣根諸勝

僧闍成

崇峻蜂子皇子妃大伴小寺子所生也日本事闕

舒明四皇子寶皇后生天智帝天武帝夫人蘓我法

提即媛生古人大兄皇子嬪吉備蚊屋米女姉子娘

生蚊屋皇子日本紀

古人大兄皇子又稱古人大市天智帝庶兄也皇極

帝時蘓我入鹿臣驕僭專權謀立古人而為天皇遣

兵殺山背大兄等天智帝與中臣鎌足誅入鹿於朝

是日三韓使入朝古人走還家謂人曰韓人戕鞞作

臣吾心痛矣乃入臥內杜門不出鞞作臣即入鹿也

及帝讓位孝德帝孝德帝固辭讓古人曰大兄命先

帝之子而年又長當居天位古人避座遂巡拱手辭
曰大王既兼聖詔何煩推讓臣願出家入吉野勤修
佛道言畢佩刀投地又命帳內各解刀自抵法興寺
剔除髻髮披袈裟入吉野山世稱吉野太子大化元
年九月古人與田口川堀朴井推子笠亟倭漢文麻
呂秦田來津謀反日本紀本註曰或本曰十一月未
幾亟詣天智帝自首請罪天智帝使菟田朴室古高
麗宮知將兵討之斬古人及子妃妾自經死日本紀
或本云十一月甲子晦中大兄使阿倍渠曾倍臣佐
伯部子麻呂將兵三千攻古人大兄斬之并殺其子
按阿倍渠曾有女曰倭姬王為天智帝皇后
日本紀
倍臣名闕

蚊屋皇子

按姓氏錄作賀陽王蚊屋賀陽國音通

事闕有子

孝德有間皇子元妃阿倍小足媛所生也有間性黠
齋明帝三年佯疾浴于紀伊年婁溫湯歸奏纒入其
地疾自蠲消帝聞喜明年遂幸年婁左大臣蘇我赤
兄為留守一日赤兄舉時政三失為有間言之有間
欣然以為赤兄善已也乃詣赤兄家登樓謀舉事俄
爾所倚夾膝自折以為不祥乃盟而寢其夜赤兄命
物部朴井鮪率造宮丁圍其市經第馳使以聞遂執
有間及其黨守大石坂合部藥鹽屋鱒魚送行在舍
人新田部米麻呂從焉皇太子面問反狀有間答曰

天與赤兄知吾不知也乃令丹比小澤國襲紋有間
于藤白坂時年十九日本紀有間過磐白悲傷作歌結
松枝後世號曰結松御抄歌枕雲斬鱧魚米麻呂流
大石于上野藥于尾張日本紀按一判事謀事時有
問所倚几脚無故而折又曰有間與蘇我赤兄鹽屋
小代守火石坂合部藥取短籍卜謀反之事有間曰
先燔宮室卒兵五百一曰二夜邀年婁津連以船師
斷淡路則事成矣或諫曰謀則善矣而無德今皇子
願勉養其德也
天智四皇子按續日本紀曰施基皇子天智帝第七
考嬪蘇我遠智娘生建皇子宫人忍海色夫古娘生
川島皇子宫人越道伊羅都賣生春日宮天皇宮人

宮人伊賀米女宅子娘生帝大友日本紀
建皇子生而啞齋明帝以其性順鍾愛之四年五月
薨時年八歲殯於今城谷上齋明帝悲傷詔群臣曰
朕萬歲千秋之後合葬山陵乃作歌三首時時唱之
是歲冬在紀溫湯又追憶建口號三首詔秦大藏萬
里曰傳斯歌勿忘於世日本紀
川島皇子川或河天武帝十年奉詔與忍壁及諸臣撰
帝紀及上古事十四年授淨大參日本紀按姓氏錄
然日本紀曰淨大參皇子河島薨懷風藻朱鳥元年
亦曰位終淨大參據此淨廣壹蓋贈位也
益封百戶持統帝五年又益封百戶通前五百戶是

歲九月薨日本紀時年三十五川島資性温裕度量弘

雅與大津為莫逆交大津謀逆川島首告變大津遂

伏誅朝廷嘉其忠懷風藻

春日宮天皇名施基日本紀或作芝基續日本紀或志紀志貴國音皆同朱鳥

元年加封二百戶持統帝三年拜撰善言司日本紀大

寶三年賜近江鐵穴時位四品慶雲元年益封百戶

和銅元年叙三品七年益封二百戶續日本紀按本

數今無考聖龜元年進二品二年八月薨及光仁帝

即位追尊曰春日宮天皇續日本紀置山陵於田原延喜

因號田原天皇所生男女悉為親王寶龜二年置國

忌於川原寺又追尊紀氏曰皇太后亦置國忌皇太

后名糠姬續日本紀按紀氏生時位號闕至光孝帝時廢國忌三代實錄

六子曰海上王曰春日王曰壹志王曰湯原王曰掇

井王並母氏皇胤紹運錄贈皇太后紀氏生光仁

帝續日本紀海上神龜初授從三位春日天平中位

正四位下壹志和銅中授從五位下續日本紀按本

止于此他無所見蓋湯原掇井共陞親王補三人履歷亦

母氏闕曰衣縫女王初授從四位下陞內親王叙四

品寶龜三年薨曰難波女王陞內親王叙四品寶龜

三年進三品光仁帝幸其第明年又進二品是歲薨

光仁帝遣大納言文室大市中納言石上宅嗣弔之
曰坂合部女王陞內親王叙四品寶龜五年進三品
光仁帝幸其第九年薨續日壹志濃王湯原親王第
二子也性矜不拘禮法善談飲補仕孝謙光仁桓武
三朝歷左右大舍人頭治部卿兼讚岐守并參議日
本至大納言兼彈正尹授正三位延曆二年月十四薨
時年七十三勅贈從二位日本紀女第尾張女王入
光仁帝宮紹運神王掾并親王子也補孝謙帝時授
從五位下光仁帝即位進從四位下為左大舍人頭
續日尚從妹彌努摩內親王補後紀日延曆十年桓

二十四年
二年月

武帝幸其第宴飲授女淨庭王從五位下續日神王
歷參議彈正尹中納言大納言叙從二位十七年拜
右大臣二十五年四月薨時年六十稱吉野大臣敕
贈正二位紀畧補神王性恭謹少文雖居顯貴遂克保
終遺言辭賜鼓吹平城帝為度僧十人補
大友二皇子十市內親王生葛野皇子懷風與多王
母氏闕皇胤紹運錄監觴抄
葛野皇子器範宏邈風鑑秀逸材稱棟幹少而好學
博涉經史頗屬文善書畫位淨大肆拜治部卿懷風
持統帝元年奉帝大友遺詔創園城寺監觴抄為與
多事今從水

鏡及高市薨持統帝會百官議立儲貳群臣各狹私
好衆議紛紜萬野進曰我國家神代以降子孫相兼
以襲天位若兄弟相及則亂從此興仰論天心焉得
測推之人事聖嗣自定誰敢間然帝嘉其一言定國
本特授正四位下拜式部卿懷風藻慶雲二年十二月
薨續日本紀時年四十五據懷風藻持統十一年子曰池邊
王仕聖武帝從五位上內匠頭池邊子曰淡海三船
續日本紀自有傳
與多王事闕
天武十皇子鸕野皇后生函宮天皇妃大田皇女生

大津皇子妃大江皇女生長親王弓削皇子妃新田
部皇女生崇道盡敬皇帝夫人藤原五百重娘生新
田部親王夫人蘓我大薙娘生穗積親王宮人胸形
尼子娘生高市皇子宮人穴人揖媛娘生忍壁親王
磯城皇子日本紀續
函宮天皇名草壁又名日並知天智帝壬戌歲生于
大津宮壬申之役天武帝出吉野赴東國草壁與忍
壁追及津振川八年帝幸吉野宮詔皇后及草壁高
市大津川島忍壁施基諸皇子曰朕今欲與汝曹共
盟使千歲之後無事皆對曰聖旨誠然於是草壁先

進盟曰兒等兄弟長幼并十餘王各出于異腹而今而後無別同異俱奉天皇明詔不忘不失相扶無忤天神地祇及天皇證之若渝此盟身命忽亡子孫永絕五皇子以次盟如初帝曰朕今慈愛汝曹如一母同產乃披襟抱六皇子曰若違此盟忽亡朕身皇后亦盟如此及車駕還宮六皇子拜帝于殿前十年二月立為皇太子攝萬機十四年授淨廣壹朱鳥元年帝病敕曰天下之事不問大小悉啓皇后及皇太子尋加封四百戶持統帝三年四月薨日本紀葬于真弓丘延喜式明年帝為皇太子施絕緣綿布於三寺安居

僧二百餘人日本紀二百皇太子娶從妹阿閉皇女生文武元正二帝女吉備女王母氏闕陞內親王叙二品適左大臣長屋王慶雲四年四月詔以皇太子忌日為國忌天平寶字二年八月追尊曰岡宮天皇

續日本紀

大津皇子壬申之變自近江直赴伊勢會天武帝十一年與開朝政十三年授淨火貳朱鳥九年加封四百戶日本紀先是有新羅僧行心解天文卜筮相大津曰皇子骨法非人臣之相久居下位恐不全身因勸逆謀由是竊蓄異志懷風藻及帝崩遂謀反事發覺時

持統帝臨朝稱制救捕大津及其黨八口音檀壹岐
博德中臣臣麻呂巨勢大益須僧行心帳內礪杵道
作等三十餘人大津賜死於譯語田舍時年二十四
妃山邊皇女被髮徒跣奔赴殉焉見者歔歔詔流道
作於伊豆徒行心於飛彈伽藍餘悉釋焉大津容止
墻岸音辭俊朗自幼好學博覽善屬文日本勢力過
人兼善擊劍懷風藻嘗為天智帝所鍾愛日本及壯頗
敖蕩不徇法度然降節禮士人多附託其臨刑作詩
曰金鳥臨西舍鼓聲催短命泉路無賓主此夕誰家
向懷風藻本朝詩賦之興自大津始焉日本紹運錄豐原系

蓬

圖共云大津有子曰粟津王坐父事流于備前豐原鄉其子公連始賜豐原姓然他無相證故不書
崇道盡敬皇帝名舍人持統帝九年授淨廣貳日本
慶雲元年加封二百戶時二品和銅七年又加二百
戶養老二年授一品三年十月詔曰開闢以來法令
尚矣君臣定位運有所屬泊乎中古雖有率由綱目
未彰逮近江世弛張悉備至藤原朝頗有損益由是
替遠祖之正典考列代之皇綱兼纂共緒此皇太子
之任也然年齒猶稚未開政道惟夫握鳳曆而登極
御龍圖以臨機者資輔佐之材乃致太平藉翼贊之
功能保運祚况夫舍人新田部親王百世松桂本支

惕於昭穆萬雉城石維磐重于國家宜吐納清直能
輔洪胤扶植仁義以翼幼齡然則太平之治可期隆
泰之運應致可不慎哉今二親王宗室年長在朕屬
重既有舊典宜加寵賞其賜一品舍人親王內舍人
二人大舍人四人衛士三十人益封八百戶通前二
千戶二品新田部親王內舍人二人大舍人四人衛
士二十人益封五百戶通前一十五百戶舍人以供
左右雜使衛士以充行路防禦於戲欽哉以副朕意
先是舍人奉敕修日本紀四年五月成上紀三十卷
系圖一卷八月知太政官事及聖武帝即位益封五

百戶天平七年十一月薨遣從三位鈴鹿王等監護
喪事其儀準太政大臣命王親男女悉會于葬遣中
納言多治比縣守等就第宣詔贈太政大臣廢帝即
位追尊曰崇道盡敬皇帝尊夫人當麻山背曰太夫
人所生男女悉為親王續日本紀七子曰守部王曰三原
王曰船王自有傳曰池田王曰三島王曰三使王並
母氏闕大夫人當麻山背生廢帝續日本紀三島
三使其無為舍人子之文而光仁紀載三島王之
與守部王三原王船王之文皆復屬籍三使王之
與守部王之子同時賜姓據此其為舍人子明矣紹
運錄亦載舍人子有王島三浦二王蓋王島者三島
人之第七子其數亦合可以為證紹運錄又有出木井

王願代王然他無相證故不書又按廢帝諸兄續日
本紀下文稱親王者無所見疑亦先卒乎
三島廢帝紀以後無所見疑亦先卒乎
唯三使見存不與隆秩今未詳其故
二女母氏闕
曰室女王初叙從四位下天平寶字三年陞內親王
授四品是歲薨曰飛鳥田女王初叙從四位下亦陞
內親王授四品尋賜稻四萬束寶龜四年復本位從
四位下延曆元年卒續日本紀按本書天平寶字三
品十一月書室內親王薨一月舍人親王之也飛
鳥田皇族遠近他無考然五年十月書飛鳥田內親
王據此蓋亦舍人女也而坐廢帝事及後屬籍守部
本書無所見然今由後本位則其為脫漏明矣
王仕聖武帝叙從四位上三子曰笠王廢帝時叙從
四位下為左大舍人頭神護景雲二年授從五位下

時無位續日本紀按此曰無位下曰後屬籍嘗坐廢
寶龜二年與弟何鹿為奈共賜姓山邊真人續日本
年七月乙未錯誤疑記點罰五年為玄蕃頭復屬籍
而今所書九月丙申條文也
後書笠王乃復屬籍花賜王爵也下皆敘此後至正
五位上大膳大夫曰何鹿王寶龜七年與為奈共復
屬籍曰為奈王續日本紀為奈或從五位下錄貞觀
年三原王仕聖武孝謙朝歷彈正尹大藏治部中務
卿位正三位天平勝寶四年薨續日本紀七子曰丹
波王慶雲中授從五位下續日本紀曰和氣王自有
傳曰山口王天平寶字八年與弟長津共坐廢帝事

授姓三長真人配于丹後寶龜二年並復屬籍後叙
從五位上為大監物曰長津王從五位下圖書頭續日本
本紀曰小倉王延曆中為少納言位正五位下續日本
本後紀兼和四年按此坐廢帝事及曰細川王天平
復屬籍續日本紀無所見亦脫漏也
勝寶七年賜姓因真人續日本書無所見疑先卒乎
曰石浦王延曆中為少納言續日本紀紹運錄按紹
無相證二女曰小冢女王陞內親王續日本紀紹運
故不書親王一代要記齋宮紀作小宅內親王天平
作紹運錄作小宅女王家宅國音亦同此一人也
勝寶二年為伊勢齋八年罷歸京錄按此罷職疑生
廢帝事也然寶龜三年與中務大輔管生王姦削屬
他無相證

籍管生除名續日本紀按自古伊勢賀茂齋管皇
帝所陞亦限御妹此以皇曾孫為齋內親王特選也
蓋有其故至廢帝被徙亦當奪爵豈以嘗為齋故優
宥乎續日本紀多脫曰弓削女王適從四位下三方
文故今無所考定
王位正五位上延曆元年與三方及正五位下山上
船主厭魅乘輿事覺詔三方弓削減死配于日向續
本紀紹池田王仕聖武孝謙朝為彈正尹畿內觀察
運錄
使遷刑部卿位正四位上天平寶字元年議儲貳池
田孝道有虧以故不得立廢帝即位進從三位兼攝
津大夫明年陞親王改授三品為亂政尹五年賜稻
十萬束七年上表曰臣男女五人其母出自凶族臣

惡其逆黨不錄王籍然日月稍邁聖澤帝流今不為
處置則聖化之中恐有失所之民伏請賜姓御長真
人永為海內一族詔可續日本紀按子名及帝被
表中不具今無所考
廢責以多集馬圖不軌降為諸王流土左續日本紀日三島
王叙從四位上子曰林王天平寶字中叙從四位下
為木工頭續日本紀按此及下文三直等五人蓋寶
皆坐廢帝事而本書無所見共脫漏也
龜二年賜姓山邊真人二女河邊王葛王葛或作如
豆良按國
通並從四位下天平寶字八年配于伊豆寶龜二年
後屬籍三使王從四位下大膳大夫天平寶字四年
卒子曰三直王曰庸取王曰三宅王二女畝大女王

石部女王寶龜二年並賜姓山邊真人續日本紀

長親王持統帝七年授淨廣貳後改叙二品慶雲元

年益封二百戶和銅七年再益二百戶靈龜元年六

月薨續日本紀按續日本紀本條書一品其子女薨
卒下或書二品續日本紀後紀或一品或二品補

任一品未子曰栗栖王從三位中務卿天平勝寶五

年薨曰文屋真人淨三曰文屋真人大市共有傳女

曰廣瀨女王叙從三位天平神護元年薨續日本紀
按本書以

大市為第七子據此長之子不

穗積親王持統帝五年益封五百戶時位淨廣貳日本紀

紀後改叙二品慶雲元年益封二百戶二年知太政

官事明年教年祿準右大臣靈龜元年授一品七月

薨續日本紀

弓削皇子持統帝七年授淨廣貳日本文武帝二年

七月薨遣淨廣肆大石王直廣參路真人大人監護

喪事續日本紀

新田部親王文武帝四年授淨廣貳慶雲 年加封

百戶時位二品扣銅七年益封二百戶養老三年與

舍人親王奉詔輔佐皇太子賜內舍人二人大舍人

四人衛士二十人益封五百戶四年知五衛及授刀

舍人事聖武帝即位進一品神龜授明一品續日本紀

書曰七月敕三品大將軍新田部親王授天平三年

為畿內大總管七年九月薨遣從四位下高安王監

護喪事使舍人親王就第弔之十月詔親王薨者每

七日供齋以僧一百人為限七七齋訖停之自今以

後為例行之子曰道祖王氷上鹽燒鹽燒自有傳續日本紀

道祖王天平中叙從四位上為散位頭中務卿天平

勝寶八年五月聖武上皇遺詔孝謙帝以道祖為皇

太子居喪無禮明年三月廢賜王爵令歸第七月擢

奈良麻呂謀廢立道祖與其謀事發覺遣兵捕之改

名麻度比將處流刑有司拷掠杖下死續日本紀

高市皇子當帝舉兵高市在近江帝遣大分惠尺百
之高市即踰於鹿深來會于積殖山口奉命至不破
關屯于和藪以監軍事會近江驛使草那磐鋏書藥
忍坂大麻呂赴東國徵兵高市設伏捕獲藥大麻呂
聞帝入柔名馳使曰今遠離軍不便帝乃赴不破高
市迎於野上帝謂高市曰近江朝左右大臣智謀群
臣多在其計議今朕無與計事者惟有幼孺子耳為
之如何高市攘臂按劍曰近江群臣雖多何敢抗天
皇之靈天皇雖獨臣高市賴神祇之靈奉天皇之命

率諸將而征討豈有距乎帝廢之執手撫背曰慎之
勿忘因賜鞍馬悉委軍事高市還和藪及事平奉命
宣近江群臣罪斬流有差十四年授淨廣貳朱鳥元
年加封四百戶持統帝四年七月為
太政大臣十月觀藤原宮地公卿百寮從焉五年增
封二十戶六年再增封二十戶通前五十戶七年授
淨廣壹十年七月薨日本紀按本書曰後皇子尊薨
釋日本紀曰高市皇子也今據
之有子曰長屋王自有傳曰鈴鹿王女曰河內女王
叙正三位寶龜十年薨曰山形女王亦叙正三位天
平十七年薨續日本紀
紹運錄 鈴鹿王仕元明元正聖武三

朝累官大藏卿參議天平九年知太政官事尋兼式部卿位從二位十七年九月薨有五子曰豐野出雲仕聖武孝謙廢帝光仁四朝天平寶字元年與弟篠原尾張奄智猪名部共賜姓豐野真人為北陸道觀察使右中辨神護景雲二年上奏曰仇渡國造國分寺料稻一萬束每年蓄在越後常及農月差民運漕動遭風濤淹滯數月間有漂沒復徵役夫請用本國田租充其費用制可尋兼土佐守寶龜中任太宰大貳位從四位下八年卒曰豐野篠原仕孝謙廢帝朝叙從五位下歷外衛中將彈正弼曰豐野尾張亦仕

孝謙廢帝朝叙正五位下歷紕政弼能登守曰豐野奄智仕孝謙廢帝光仁桓武四朝歷右中辨中務大輔位從四位下延曆三年卒曰豐野五十戶初名猪名部仕楠德帝從五位上出雲人續日本紀按本書從五位下云雲王篠原王尾張王無位奄智王猪名部王賜姓豐野真人有曰鈴鹿王之子而寶龜元年書授豐野真人出雲從四位下豐野真人奄智正五位下豐野真人五十五戶從五位上以其父鈴鹿王舊宅為山陵故也且本書載篠原尾張履歷止于神護景雲年參錯而觀蓋二人共卒不與此恩叙耳其為鈴鹿子不忍壁親王忍壁或作刑部按國音相近士申之從從帝入東國九年奉詔撰帝紀及上古事十三年授淨大參朱鳥元

年加封百戶日本紀文武帝四年敕與藤原不比等撰
定律令大寶三年知太政官事時三品慶雲元年益
封二百戶二年賜越前野一百町五月薨日本續紀有子
曰山前王仕文武元明元正三朝從四位下日本續紀刑
部卿懷風藻養老七年卒女曰小長谷女王尚膳從三
位山前王子曰茅原王為人凶惡喜遊酒肆天平宝
字中與御使麻呂博欽忽發醜刺麻呂屠其股肉置
胸上而贈之其餘罪狀明白有司奏劾廢帝以宗室
故不忍置法削王爵賜姓龍田真人與子女流于多
禰島女曰池原女王初冒母家姓稱栗前枝女寶龜

十一年敕改今名賜王爵授從五位下日本續紀

磯城皇子朱鳥元年加封二百戶日本紀

聖武二皇子藤原皇后生皇太子某夫人縣犬養廣

刀自生安積親王日本續紀

皇太子某皇亂紹運錄一代要記作基王歷代皇紀

某字誤而舊史又不見神龜四年閏九月生帝御中

宮大赦天下賜百官物及天下民與皇子同日生者

布一端綿二屯稻二十束十一月太政官及八省上

表奉賀獻弄玩物乃宴文武百寮已下至使部於朝

堂賜五位已上綿其累世家嫡子身帶五位已上者

別加絕十匹詔立皇子為皇太子僧尼等九十人上
表奉賀施物有差明年八月皇太子病救造觀世音
像一百七十七軀寫經一百七十七卷大赦天下奉
幣帛於諸陵禳之九月薨年一歲帝大悼惜葬于那
富山不其喪禮以其早夭也但在京官人以下及畿
內百姓素服三日諸國郡司各於當郡舉哀二日命
擇智行僧九人廬冢剛薦福焉續日本紀
安積親王皇胤紹運錄別載淺香皇子按安積天平
十六年閏正月從幸難波宮途患脚病自櫻井頓宮
還而薨年十七續日本紀

光仁六皇子井上皇后生廢太子他戶贈皇本尾張

女王生禰田親王皇胤紹運錄女孺縣犬養男耳生

廣根諸勝錄姓氏僧開成失母氏皇胤紹運錄勝尾

崇道天皇名早良初為親王天應元年四月桓武帝

即位立為皇太子續日本紀按一代要記曰早良親

住東大寺寶龜元年賜親王號天應元年為皇太

子年三十二然其為僧及改為親王本書並無所見且景

雲二年亦相弟帝常好遊幸奪政太子太子以佐伯今

盾故不取

乞人為參議中納言藤原種繼奏曰佐伯氏自古無
仕參議者恐不可也帝即奪參議授從三位太子憾

之請殺種繼帝不聽自是漸疎太子而不奪政太子
愈恨焉水鏡延曆四年八月帝幸平城宮使右大臣藤
原是公種繼等輔太子留守九月太子與左少辨大
伴繼人及大伴竹良東宮少進佐伯高成等謀使人
射殺種繼帝大驚車駕急還搜捕繼人竹良等及射
者誅之流其黨與廢太子幽于乙訓寺續日本紀誅
流幽等文參
壞日本紀太子絕食十餘日不死遣宮內卿石川垣
守等流太子于淡路封高瀨橋而氣紀載屍葬之淡
路紀畧梅水鏡曰堯于山碕
要紀曰堯于海上恐誤九年敕置守冢一户類聚
國十一年皇太子安殿久病卜之廢太子為崇乃遣

諸陵頭及諸王謝之敕曰嚮令淡路國為廢太子置
守冢一户隨近郡司專當其事而所司不戒致令有
崇自今以後冢下置隍勿使濫穢類聚國史記畧廢太子歿
後人多疫死帝懼遣僧於淡路讀經修福水鏡使人
迎其遣骸使者再十七年復遣廢太子甥參議五百
枝王懇祈得至淡路迎之而歸改藏于大和八島水鏡
三代實錄十九年七月詔追號曰崇道天皇墓稱山
延喜式陵類聚國史紀畧更益淡路津名郡民一户守冢類聚國史帝還
豫創靈安寺於淡路令諸國所在各置小倉每歲貯
正稅三十束輸於寺及以天下調庸綿百五十斤充

薦以山陵預國忌奉幣列類聚國史紀畧先是下諸盡赦還

其黨與被敗謫者臨崩救無論存亡一復其位紀畧及

命諸國國分寺每春秋二仲月讀金剛般若經各一

七日以安其魂焉類聚國史紀畧及嵯峨帝即位又營八島

寺於山階割諸國正稅上分供獻鏡水負觀五年救修

御靈會於神泉苑禳疫疾崇道天皇為第一座後世

造社祭之所謂八所御靈之一也三代實錄帝王編年記

稗田親王水鏡作寶龜六年叙四品天應元年進三

品十二月薨年三十一續日本紀子曰高橋王高橋王作

高橋親王今從續日本後紀文德實錄三代實錄

廢太子他戶初為親王寶龜二年正月立為皇太子

大赦天下他戶為帝第四子以皇后所生年十二歲

超諸兄得立他戶為帝以下據水鏡按歷代皇紀以

時年十一三年五月先是皇后滿縱謀弑帝立太子

坐而見廢皇太后謀弑至是詔廢太子為庶人明年幽

后及庶人他戶于大和宇智郡淡宮之宅六年四月

卒續日本紀按水鏡曰九年二月或奏曰他戶親王

使猶在言曰帝欲復立為東宮遣使見之藤原百川召

沙無救使人偽稱耳見他戶無恙然怖百川命更遂他戶使者

誓曰若我偽書若兩目出矣百川命更遂他戶使者

後果目出然本信故附于此

廣根諸勝叙正六位上延曆六年賜姓廣根朝臣貫

左京三條姓氏錄貫以下嵯峨帝朝攝津人帝嘗獵

凡生野攝津獻物詔授州宮位隆諸勝為從五位上

類聚改貫一除一坊要記

開成初名某按皇胤紹運錄拾遺往生傳為桓武帝

八而是時桓武歲四十五則其為桓武帝徵時嘗幸

賤妾生焉非世所知及長聰慧諳誦外典天平神護

元年正月潛登攝津勝尾山為僧名開成住桂洞勝尾

山流紀按流記為帝在東宮時所生考續日本紀帝為

東宮在景雲四年流記誤矣故今從實書之又按流

傳釋書仲算二人傳書曰攝津守藤原致房子母紀

伊守源懷信女然源姓始于嵯峨帝後代桂樹構草

弘仁五年可謂傳會之甚故不取堂帝施攝津豐島郡稻一十束以充經營費命曰彌

勒寺寶龜六年給島下郡水田六十町天應元年十

月卒年五十八桓武帝延曆元年十月敕為開成修

法八講著為恒例清和帝嘗幸寺改賜額勝尾寺流記

天保十二年五月二十六日謹書寫之

中村萬喜直道

大日本史卷之八十九

列傳第十五

權中納言從三位源光圀修
胃權中納言從三位綱條

皇子四

桓武十三子

葛原親王

伊豫親王

萬多親王

賀陽親王 子忠貞王

明日香親王

佐味親王

大德親王

仲野親王

葛井親王

大田親王

坂本親王

長岡園成

良岑安世子木連 宗貞

桓武十六皇子藤原皇后生平城帝嵯峨帝贈皇太

后藤原氏生淳和帝夫人藤原吉子生伊豫親王日續

本紀夫人多治比真宗生葛原親王文德實錄佐味親

王大德親王皇胤要記帝王編年一代女御百濟永繼生良

岑安世皇胤補任錄從五位上藤原河子生仲野親

王文德實錄從四位下紀若子生明日香親王續日

紀從四位下坂上春子生葛井親王實錄宮人藤原

小尿生萬多親王皇胤一代要記從五位下百濟教仁

生太田親王皇胤要記帝王編年一代宮人川上好生坂本

親王一代要記女孀多治美豐繼生長岡園成桓武姓氏錄按諸

皇紀子長幼次序不詳日本紀畧水鏡一代要記歷代
皇紀皇代記皇和帝第_三子_唯文德實錄曰_萬原帝
皇_三子_嵯帝_之兄_也由_是觀_之平_城實_錄曰_萬原_帝
有_一子_與紀_畧水_鏡等_不合_公卿_補仕_以萬_原間_應
第_十子_亦未_足據_信今_姑從_實錄_以萬_原居_首伊
豫_親王_又錐_無所_推據_考類_聚國_史延_曆十_一年_加
冠_文則_與嵯_峨淳_和二_帝年_不相_遠因_列萬_原次
紀_畧多_為第_五賀_陽為_第七_佐味_為第_九大_德為
第_十一_續日_本後_紀明_日香_為第_七興_紀畧_大德_為
堯_年推_其生_年賀_陽以_延曆_十三_年生_明紀_畧大_德不_書
堯_時年_若千_不得_推考_其排_行姑_序賀_陽次_文德_實
錄_萬井_為第_十二_仲野_實錄_及扶_桑畧_記仲_野為_第
十_二然_推究_生年_二仲_野延_曆十_一年_生萬_原為_第
生_故以_仲野_居萬_井上_太田_坂本_共以_延曆_十二_年
生_與佐_味同_年而_其次_序不_可知_故並_列于_未長_岡
岡_成良_岑安_世考_其生_年亦_應長_於萬_原然_要記_紹
運_錄等_書叙_于諸_子下_蓋以_其賜_姓故_降之_乎今_從
之

萬原親王幼而穎悟有令譽及長恭儉不傲於物歷
覽史傳常以古今成敗自戒續日本後紀延曆十七
年與淳和帝同加冠於禁殿日本後紀二十二年授四品
仕治部卿大同元年遷大藏卿三年為彈正尹四年
進三品弘仁元年為式部卿三年兼太宰帥七年授
二品實錄十四年任中務卿復為彈正尹天長二年
上表請子女皆賜姓平朝臣不許乃請罷其王號許
之紀七年兼常陸太守復為式部卿八年進一品文
實錄兼和二年賜甲斐巨麻郡馬相野空閑地五百町
續日本後紀五年兼上野太守文德實錄十年以老病
後紀

上表辭職不許續日本後紀十一年復兼常陸太守喜祥

三年復為太宰帥仁壽三年六月薨年六十八遺令

薄葬辭監護喪事葛原久在式部閑習職務凡在舊

典莫不達練舉朝重之敕賜輦車入宮儀異諸親王

文德實錄子平高棟自有傳次善棟從四位下類聚次高

見王事闕高見子曰高望王寬平元年賜姓平朝臣

為上總介皇胤紹運錄源平盛衰記

伊豫親王延曆十五年聽帶劔日本紀既而叙三品公卿

補任作歷式部卿中務卿類聚國史紀畧伊豫善管絃水鏡帝

頗寵之嘗秋月因獵過其山莊置酒飲宴日暮帝思

聞鹿鳴作歌偶有鹿鳴帝欣然令群臣和之後屢幸

其別莊類聚國史紀畧大同二年十月藤原宗成勸伊豫潛

謀不軌伊豫拒之不從而猶秘之未發伊豫舅大納

言藤原雄友告之右大臣藤原內麻呂伊豫大懼之

遽奏宗成勸反狀即繫宗成於左衛士府按驗之宗

成引款曰首謀反逆者親王也日本紀畧左近衛中將安倍

兄雄固保其無罪帝不聽補任遂遣兄雄及左兵衛督

巨勢野足等率兵圍伊豫帝十一月詔削親王號與

母夫人藤原吉子共徙之於河原寺幽諸一室不通

飲食日本紀畧流貶雄友宗成及其黨與補任伊豫及夫

人仰藥而死時人哀之水鏡弘仁十年詔復親王號

紀淳和帝即位命僧空海僧戴榮等每年春秋二節

於檣寺講佛經捨田及道場夫具入寺以薦其冥福

性靈集 兼和六年九月仁明帝遣中使就墓宣詔曰故

贈二品伊豫親王按贈二品年月早捐拓館長掩泉

臺悼福祿之不融悲倚伏之難測雖既追榮於前詔

逾欲增飾於當年宜贈榮班以賁幽窆可贈一品續

本後弘仁元年嵯峨帝有疾為伊豫度一百僧為藤

原夫人二十僧以禳之類聚國負觀五年修御靈會

於神泉苑伊豫及夫人預焉三代子曰繼枝王高枝

王據文德實錄大同初親王遭害三子遠配之文伊

按文德實錄公卿補任並云高枝王者伊豫親王第

二子也續日本後紀又云繼枝者其第二子也考之

類聚國史繼枝者三年以繼枝為第二子理或然耳

今姑從續枝從四位下類聚國史高枝及父被

罪與兄弟俱遠配辛苦流離無復生計嵯峨帝即位

哀父無辜赦諸子入京師悉返給所沒父資財田宅

高枝乃共同議均分男女時人稱之實錄天長三年

叙從四位下為因幡守累官宮內卿至從三位續日

實錄高枝為人寬弘通曉文簿又學書於僧空海

受琴於真熊以至終身一無所成家素不蓄財產及

堯遺言薄葬實錄

萬多親王日本紀畧曰萬多初名茨田延曆中改賜

茨田國音相同蓋延曆十四年賜周防田百町山八

百町日本紀畧大同中叙四品為中務卿類聚弘仁六年

先是嵯峨帝憂神武以來諸氏濫雜尊卑之等甚不

明詔右大臣藤原園人參議藤原緒嗣等為書登正

之以萬多尤精譜學命考定之至是書成凡一十一

百八十二氏并目三十一卷名曰新撰姓氏錄詣闕

上表上之帝嘉納焉今紀畧一代要記作五年八年叙

三品類聚十年與緒嗣等奏請據舊記刊定前書訛

謬許之淳和帝即位為式部卿天長五年兼太宰帥

七年四月進二品其月薨年四十三詔贈一品實錄

三代實錄子曰正躬王正行王雄風王正躬王自有傳

卿補文德實錄正行為第二子雄風為第四子公正行

與兄正躬受業大學性好文章愛酒兼嗜鷹馬及嵯

峨帝遜位詔直嵯峨院天長十年授從四位下為侍

從仁明帝甚寵遇之兼和中華越中守遷左馬頭叙

從四位上續日本後紀轉右京大夫文德實錄按續

京大夫未仁壽天安間除加賀守仕彈正大弼兼美

作權守至正四位下實錄子曰高蹈王高居王高平

王高蹈高居負觀中賜姓平朝臣三代實錄雄風為人沉

敏而寬裕進退閑雅弱冠入學文德帝在東宮引侍

左右頗習鷹馬踐祚之日授從四位下除左馬頭仍

給事殿中益被賞愛齊衡中卒官帝甚愍悼焉文德實錄

子定相王有相王定相負觀中賜姓平朝臣有相元

慶中賜姓平朝臣三代實錄

賀陽親王賀今昔物語作高弘仁中授四品為刑部卿淳和

帝即位遷治部卿天長中為中務卿紀畧授三品兼和

七年為太宰帥尋復為治部卿嘉祥三年遷彈正尹

齊衡中加二品天安二年敕賜帶劔文德實錄負觀初兼

常陸太守復為治部卿常陸太守如故敕於東大寺

設無遮大會供養大佛像遣賀陽監之光孝帝時為

中務卿與彈正尹本康親王等亦預焉五年上表請

致仕優詔不許九年為上野太守治部卿如故十三

年為太宰帥抗表辭治部卿十月薨三代實錄年七十八

帝王編年記帝不視事三日紀畧賀陽有意匠巧製造嘗創

京極寺于京師會大旱鴨河水竭寺田殆涸賀陽彫

木童子設機巧置于田中長可四尺兩手捧器盛水

於器中則上灑童顏觀者喜之爭而灌水寺田自然

得不焦枯今昔物語子道野王忠貞王利基王按文德實錄並書第

一子道野王三代實錄云第六子利基王而忠貞王
次序不載據此則親王子蓋不止於此又按實錄貞
觀十五年書左京人辛身王時身王賜姓平朝道野
臣賀陽親王後世而不書其父祖今無所考道野
兼和三年任武藏守仁壽中授從四位上道野好酒
色愛絲竹然性謹厚未曾傲慢於物焉實錄
忠貞王大安二年授從四位下實錄貞觀中為大學
頭遷中務大輔歷彈正大弼攝津河內大和播磨等
守元慶三年拜參議檢校大和班田累兼宮內刑部
卿美濃近江守卒於官三代實錄忠貞容貌甚醜而
志尚高遠幼而就學粗通五經出歷仕諸州威惠兼
舉民不敢欺序序之風所在日興能吏之化與橋良

基見並稱聲譽之美為宗室之最補利基少年入學
頗涉史漢兼和末舉文章生嘉祥三年授從四位下
天安三年任侍從貞觀中授從四位上歷下野權守
男潔行王元慶中賜姓平朝臣三代實錄
明日杏親王弘仁二年授四品為彈正尹日本九年
上表乞除親王號同之諸臣不許再上表祈所生男
女賜朝臣姓帝嘉其請賜子女四人姓久賀朝臣孫
王賜姓從此競效之續日本後十二年授三品天長
八年為上野太守紀兼和元年二月薨明日杏天資
儉朴不尚浮華弘仁中世風奢麗朝貴頗好鮮衣唯

明日香獨無所競夏日猶漸朝服者再三時或賣駿
馬以充費用及薨朝廷哀悼焉續日本後紀按上表
文明日香有子男而

諸書不載其
名無所考正

依味親王容儀閑雅頗好女色弘仁三年授四品八

年任彈正尹淳和帝即位為中務卿天長二年閏七

月薨年三十三紀畧按皇胤紹運錄作年三十二恐
誤又按本書薨下載天皇踐祚日行

玄朝堂卒倒輿病而
踐祚至是已三年矣
不宜書如此此蓋紀畧
截斷本

書之誤姑
注于此

大德親王皇胤紹運錄一代要記大
德作大野今從日本紀畧延曆二十二年

十月薨年六歲紀畧

仲野親王幼辨慧性寬裕弘仁五年叙四品三代實
錄日本

紀畧天長四年為中務卿紀畧七年任太宰帥三代實
錄紀畧十

年加三品三代實錄
類聚國史仁明朝仕上總太守拜彈正尹

為上野太守授二品續日本後紀
三代實錄轉式部卿文德實
錄三代

實錄仁壽三年兼常陸太守負觀初復兼上總太守詔

許以私鷹鷄各二聯遊獵河內攝津禁野之外五年

再為太宰帥聽乘輦車出入宮中敕聽養鷹三聯鷄

一聯仲野嘗學奏壽宣命之式於故左大臣藤原緒

嗣音儀詞語足為世模範當時王公罕知其儀清和

帝敕參議官就學焉九年正月薨年七十六三代實
錄及

宇多帝踐祚以外祖贈一品太政大臣

三代實錄子

茂世當世基世輔世潔世實世十世在世康世雅世

利世亂世秀世房世按三代實錄清和紀曰親王有

潔世實世十世在世康世九人爵為四位惟世利世

並為五位而茂世至康世所見止九人加惟世利世

十一人光孝紀有亂世世王云親王之蓋清和紀所

漏也紹運錄肇茂世已下外載李世秀世房世要

記亦載之然脫亂世謾加李世謬誤可知矣秀世房

世舊史載之不見為仲野子之明文粗有事實命

書所舉日乎故從二書列秀世十四人其數實命

世歷從四位上彈正大弼太宰大貳終于刑部卿兼

加賀守子好風負文並以父請賜姓平朝臣三代實

早命麻子以負文好風仕太宰少貳實錄歷從四位下

為好風子恐誤

右近衛中將當世天稟羸弱惡冒風雨性雖好鷹犬

不敢出遊終于從四位下實錄基世從四位下下總

守山城權守輔世累官從四位上民部大輔左京大

夫終于伊豫守子安典王仁和中賜姓平朝臣三代實

潔世舉文章生歷從四位上大學頭民部大輔子遂

良王元慶中賜姓平朝臣歷木工允允或作光孝帝

嘗召於左伏下試書實世元慶初歷大學頭攝津守

六年詔實世及其子景行秋雪申如廉往並賜姓平

朝臣其女子前生帶王號後產從平氏實世後至從

四位上十世歷中務大輔三代實錄宮內卿仕參議兼播

磨守至從三位補在世從四位下齋宮頭三代實錄相摸

守皇胤紹運錄康世從四位上河內守紹運錄惟世與利世

同賜姓平朝臣三代實錄歷從四位上大舍人頭紹運錄利

世備後守紹運錄胤世事闕于楊雄王嘗犯罪流于安

房仁和元年自耽逃亡太政官下符諸國索之不獲

秀世從四位上美作守三代實錄房世仁壽天安間累官

中務大輔武藏越中權守文德實錄負觀初為越前權守

授從四位上五年上表請與諸族同賜姓平朝臣許

之三代實錄歷彈正大弼終于正四位下因幡守三代實錄類聚

史仲野女宣子女王班子女王宣子天長中為伊勢

齊類聚史元慶四年賜姓源朝臣班子為光孝帝皇后

生宇多帝三代實錄

葛井親王幼而警悟年六歲敕賜帶劔弘仁十年叙

四品拜兵部卿天長三年為上野大守文德實錄兼和中

為常陸大守續日本後紀八年進三品葛井善射有

外祖坂上田村麻呂之風嵯峨帝嘗御豐樂院觀射

禮畢敕諸親王及群臣各以次射葛井時年十二帝

戲謂曰第雖少弱當執弓矢葛井應詔而起再發再

中時田村麻呂侍座喜不自勝起座抱葛井而舞進

奏曰臣嘗將數十萬眾征討東夷實賴天威所向無

敵自料勇略兵術多所不究今親王年在齠髫武伎
如此非臣所及也帝大咲曰將軍褒揚外孫何甚過
多嘉祥三年正月為太宰帥日本後紀四月薨年五
十一葛井素耽聲樂晚年益縱飲讌支體荒弊竟至
於成疾云實錄子基兄王棟氏王按文德實錄葛井
有子二十餘人而
三代實錄所見基兄累官民部太輔守藝守彈正大
止此餘無所考續日本後紀棟氏從四位下三代實
錄按本
弼終於大藏卿三代實錄棟氏從四位下三代實
錄按本
書云棟氏貞觀十五年任下野守今考之其卒
年實在貞觀五年則其說恐有謬語故不取
大田親王大同三年三月薨日本後紀年十六歲一代要
記帝王
編年

坂本親王弘仁二年授四品尋為治部卿九年十一
月薨年二十六嵯峨帝遣使監護葬事贈賻錢物日本

紀畧

長岡國成延曆六年賜姓長岡朝臣續日本
後紀貫于右

京代姓氏錄一弘仁六年改貫左京要記皇胤
紹運錄天長十

年授從四位上嘉祥元年十二月卒續日本
後紀

良岑安世少好鷹犬善騎射多伎藝稍長始讀孝經

釋卷而歎曰名教之極其在茲乎乃潛志於學術公卿

補延曆二十一年賜姓良岑朝臣貫于右京補姓氏錄
補仕

大同四年為右近衛少將以能書解音樂兼雅樂頭

弘仁中累官藏人頭兼左衛門佐但馬守進從四位
下任左衛門督遷左京大夫改貫左京七年為右大
辨兼美作守拜參議兼近江守補十年奉敕與大納
言藤原冬嗣中納言藤原緒嗣監修日本後紀類聚
引日本後紀序尋轉左大辨十二年進從三位拜中納言兼
陸奧出羽按察使補又與冬嗣及藤原三守等奉詔
撰內裏式內裏式序明年兼春宮大夫補十二月奏謹案
太政官去弘仁三年八月五日符傳自今以後銓擬
諸州郡司一依國宰若選非其人政績無驗則署帳
之官咸解見任永不叙用以懲將來臣愚以為知人

之難古人猶病諸苟吏非其人何無謬舉必欲據行
此格恐人自陷刑罰若其懼罪不撰徒失人功也望
諸州郡司先申初擬歷試雜務得可底績詮擬言上
而後朝廷付諸所司計會功過始預見任然則國宰
免濫選之責郡司絕僥倖之望但先盡譜第後及藝
業須依前詔臣等高量以聞伏聽天裁奏可類聚三
十四年進正三位補兼檢非違使別當年關據三代
長三年奏狀官兼右近衛大將補天長元年又奏今
御始書于此國守者古所謂刺史也當任之人不可多得伏望今
一良守無帶數國小大之政一從其所請一二僚屬

亦依請任之夫祿不厚則人不可勸也人不勸則治
不立矣請其公廩攝國之中擇其殷阜地以二守祿
并給之法宜試於一國明知治否然後令兼之不省
三年秦河內前年水旱饑饉相仍百姓或合門流離
或絕戶死亡民俗由是長衰郡吏以之逃散所以頃
年以諸司主典任用郡司至有闕怠嚴加刑罰彼雖
各據時格以望爵級而民戶流亡更多新任之吏亦
懼之逃遁夫郡司有罪州宰擅決其罰而不關聞於
法家實格式所無有伏請主典以上被補郡司若有
罪過依法徵贖然則吏不去其職必致撫民經遠之

圖但施之一州自餘郡司不改前例矣可後遂下諸

國為法類聚三七月藤原冬嗣薨以其異父兄稱病

不朝淳和帝屢遣中使敦喻起之補五年轉大納言

大將如故七年七月卒年四十六補詔贈從二位續

本後紀三代實錄按嵯峨上皇為製挽歌二篇後日

補任作正二位者誤安世有文藻嘗奉淳和帝詔與東宮學士滋野

貞全撰經國集二十卷紀敕收其詩其餘諸篇又凌

雲集文華秀麗所載行于世子木連長松清風宗貞

晨直按續日本後紀木連為第一子僧綱補任宗貞

定其次序晨直三代實錄粗有事迹但不書為安世

之子今姑從紹運錄列于末又按紹運錄安世子載

恒成一云見古今集賀邵然檢古今集不書為安世子
其一本作經成云及仁明帝崩與上野峯雄出家為
僧未知是否據僧綱補任文安世子蓋不止於此而
三代實錄等書別載良峯氏數人或恐有良峯經世
亦無其所證故不取三代實錄清和紀有良峯經世
官歷少紹言兼侍從陸奧丹波守從四位下疑安世
子乎然無他所證故不取又按文德實錄有良峯
經世檢從五位下為越前公恐與經世一人也長
松兼和初為常陸權大掾遷伊豫掾以善彈琴為遣
唐准判官從大使藤原常嗣等入唐及歸遭逆風漂
泊南海陷賊殆死興醫生管原梶成僅免得歸尋叙
從五位下仕侍從歷諸陵頭宮內太輔武藏守山城
權守至從四位上續日本後紀文德清風兼和負觀
間累官至從四位下美作守近江權守三代實錄

木連容儀閑雅早有聲價初除大學助以父憂去職
天長八年叙從五位下仕下野公秩滿入京仕武部
少輔兼和初仕右衛門佐拜陸奧守六年與鎮守將
軍匝瑳末守等奏言曰伏見比來災星屢見地震是
頻百姓多畏變逃亡又膽澤多賀兩城之間異類延
蔓控弦數十如有驚急難可支禦要須徵發援兵清
民赴農矧多賀城為膽澤之後援不益兵數何以救
急但上奏待報恐失機事仍且發且奏教許之明年
又奏陸奧民共稱守庚申潰出之徒猶多不可制止
請發援兵二十人以候物情許之按平書六年上奏
文書鎮守將軍也

璠未守明年上奏書前鎮守將軍未守蓋前後奏
間未守已解職而修書者闕其文也姑注于此

遷左中辨明年太上天皇崩木連率諸府兵入衛禁

闕十一年進從四位下仕越前守嘉祥二年六月卒

年四十六木連壯年自恃良家子常欲立功名奸施

異治為諸神戶所行之政動不據舊例專貴刻察同

察禁之拒而不納及病自以為獲其譴悔改無効日

本後

宗貞仕仁明帝最得寵眷文德實錄和十二年叙從五

位下為左兵衛佐尋為備前介兼左近衛少將續日

紀補藏人頭職事至從五位上及帝崩不堪哀慕出

家為僧以求報恩時人惑焉文德實錄改名遍照學台教

於僧圓仁僧綱補仕續貞觀中常康親王以所居雲

林院屬遍照住焉後任法務延曆寺僧任法務始于

此釋家官後創元慶寺為座主敕列定額年賜度者

三人以雲林院為別院元慶三年為權僧正上表辭

職曰難量之恩負蚊背而無力非次之寵在人聽而

有驚遍照昔在兼和之代給事黃門宿衛青瑣以虛

叢之陋姿沐渙汗之膏澤已有日矣及於橋山下掩

閉湖始遷攀髯而不得從仙舄而獨留十行不禁推

赤之恩在心萬分無益寸丹之慕推性自謂奉金輪

雲林院在藏
國安郡北
岡山西北
元慶寺在宇
治郡北花崗村
一名花山寺

不林之林疑材

而推轂曾植宿世之曰侍蓮臺而袒肩當修來世之善是故剝除鬚髮擯落簪纓委身草萊石泉蕩其塵累晦迹間介白雲知其素心遍照質輕散木廁禪林而不林器類鑄冰斟定水而安蓄况亦蘭漸七十性亦昏蒙而今統法務之緇維為禪徒之表的方足御覲於當年遺笑於後代危同蹈虎懼等探龍止足之分銘心不刊夫求官爵樂榮耀者人之心也理之然也至於小僧聊有微尚禡珥貂而歸真寧冀榮之道脫銀魚而出俗非縻爵之求誓指日河瞻徹星漢伏願俯察愚衷曲許降退則屬續之日理恨黃墟不仕

理當作埋
黃墟黃
泉也

丹愿之至謹奉表以聞優詔不許六年奏狀起請七事一曰凡令僧綱兼任諸寺別當者例皆以四年為秩限一曰凡諸寺度僧者其受戒日官必遣治部玄蕃等省察檢察押署戒牒并捺印三代實錄一曰每年諸國放生節官必遣講讀師若部內行僧賣公物臨山海親贖鳥魚國類聚一曰將禁諸國百姓每至是節必流毒於河上捕魚救施行之三代實錄按餘事闕今無所考仁和元年又上表曰鐘鳴漏盡當休昏夜之行鞭策程遠宜稅玄黃之駕故益而終損已聞之於大聖滿者猶溢將挹之於小僧遍照旨在陛下龍潛之時陪蕃邸而

委質暨乎深草象耕之日褫簪紱而出家既而身耽
鷲埃志厭榮利白業不退素餐所耳也去元慶三年
詔授權僧正罷加非次聞之者咸驚榮出殊常當之
而多耻遂深執降退頻上表章而未蒙哀允屬換星
霜會陛下金輪撫運網殿垂衣小僧以豐沛之故光
遇慶泰之新朝中使相望慰問存臻是故雖慙出山
未辭詣闕伏以俗士之事君也欲効忠勤不惜筋力
然而當於換杖之年猶有懸車之禮况禪徒之業戒
律爲先縱在少壯之質何蹈聚落之塵今衰暮之齡
殆盈七十耄昧時及病痾日侵而久忝上綱人謂之

豐沛說見
漢高帝記

不知足或侍中禁世誚之爲叨榮小僧初剃髮之日
心誓自謂鑿跡俗間終命山窟豈圖既迫桐柳之秋
更嬰網維之累小僧爲陛下之舊臣陛下照小僧之
宿意天鑒切漢何必指河伏冀陛下降宸演之洪霈
僧上之崇班則開賢路於法務竅愚慮於禪門無任
慙款之至謹奉表陳乞以聞光孝帝省表敕曰公之
於朕也外結香花內投膠漆非中路之傾蓋據前生
之宿因不意寄事乞骸解網維於澗戶矯詞知足停
影向於瑣窻彼白衣之忌夜行昔側聞諸有識緇侶
之告歸老朝章闕以無存公之有此言朕未得其意

一本漢作冲

若非君子之戲即忘我之甚乎况運繫澆澆風待方
便智之安國命含寒露思神通力之養民道不虛行
人能弘道當朕新馭秋駕願公暫鎮玄門自今閣筆
勿傷朕懷其秋以請以近江國高嶋郡荒廢田百五
十三町寄寺尋為僧正賜宴於仁壽殿賀其七十壽
明年敕曰惟公慈仁為性保護朕躬一朝一夕賴其
普導朕所以身濟鴻業至于今日豈非公潛衛之力
自然冥致耶况公之未及落飾朕之始在列藩推分
結恩形於中表及其禪律交養揭為僧象外諮俗務
內宗梵行者亦有日矣朕俯惟同塵之契遠感利國

之誠念其酬賁无忘監寐今別割百戶之封供其禪
門之費亦聽駕輦車出入宮門留篤情於扶輦加隆
過於坐禪吁嗟至人懸解上德難名雖物外浮榮知
非公好而人間崇飾聊寄朕懷義在忘言指不多及
朕之蓄誠公宜悉之三代實錄寬平二年正月卒扶桑年
七十五元亨釋書作年七十四今推三代實錄仁詔
遣少納言今扶王於元慶寺吊之賜綿三百屯調布
百五十端令修諷誦世稱花山僧正畧記僧又稱中
院僧正良僧正紹運錄遍照長於倭歌論者以為最得
體格然其華而少實譬如圖畫美女徒動人情耳今古

樹。

集二子共為僧曰弘延按扶桑畧記曰遍照僧正在
 序者各二人僧綱補仕裏書云在俗子由性二人而
 院任律師而紹運錄載遍照子素性由性二人而不
 載弘延蓋其子實止弘延素性二人曰素性素性初
 而素性後更名為由性也今從畧記
 名玄利紹運錄按拾芥抄孰仕清和帝為右近衛將
 監紹運錄亦善倭歌住雲林院仕權律師畧醍醐帝嘗
 召入書屏風賜酒命和歌與絹綿及馬西宮晨直負
 觀元慶間累官從五位上丹波守三代實任子衆樹元
 慶延喜間累官內外年五十猶未甚顯一日詣男山
 神會雨甚難步憇于石清水坂見祠前檣樹在枯題
 倭哥曰知波夜布流加美能美下美或麻倍乃多知

波奈乞乞呂幾乞斗乞珥於比珥計留加奈他日檣
 樹再向榮衆樹亦倣遷藏人頭數歲中歷右近衛中
 將至參議人謂感通所致大鏡終于兼近江守治部
 卿補任

大日本史卷之八十九終

天保十二年丑年四月五日謹書寫之

中村萬喜直衛

大日本史卷之九十

列傳第十六

權中納言從三位源光國修
男權中納言從三位綱條校

皇子五

平城四子

阿保親王

皇子某

廢太子高岳

巨勢親王

嵯峨二十二子

業良親王

秀良親王

基良親王

忠良親王

淳王

源信

源弘

源常

源寬

源明

源定

源融

源勒

源鎮

源生

源澄

源安

源清

源啓

源繼

源勝

源賢

平城帝四皇子宮人葛井藤子生第一子阿保親王

第二子某名稱母氏事實並闕伊勢繼子生第三子

廢太子高岳第四子巨勢親王皇胤紹運錄歷代皇

高岳次巨勢次阿保今據續日本後紀三代實錄為次序

阿保親王性謙遜才兼文武有膂力善絃歌嵯峨帝

即位叙四品弘仁之變坐殿太宰員外帥天長初徵

還京師仁明帝即位進三品兼和元年為治部卿給

遠江敷智郡荒田三十三町尋為上野太守治部卿

如故轉兼宮內卿明年遷兵部卿七年任彈正尹九

年兼上總太守伴健岑橘逸勢等謀及阿保密上書

太皇太后橘氏奏變詔捕健岑等流之十月堯年五

十一敕遣使監護喪事及葬遣參議和氣真綱等追

賞告變之功贈一品優恤其家續日本子仲平行平

守平業平皇胤紹運錄以行平守平業平仲平天長

中阿保上表援高岳親王例請賜姓於諸子詔仲平

行平守平業平賜姓在原朝臣三代實錄按本書不

也又按公卿補任以行平為第三子三代實錄及大鏡裏書以業平為第五子江家次第榮華物語又並

稱業平為在五中將據之則何保諸子蓋不止仲平
於此而紹運錄載大江音人為何保長子恐誤仲平
為藏人歷豐前駿河守兼刑部少輔續日本守平從
四位上民部大輔左京大夫相模信濃守文德實錄
行平業平自有傳

廢太子高岳岳一作丘初為親王年月闕今嵯峨帝即位

立為皇太子明年藤原仲成伏誅平城帝雜髮太子

廢為親王三代實錄子女停王號賜姓在原朝臣三代

實弘仁十三年叙四品類聚國史無幾落髮為僧改

名真如續日本後紀居東寺元亨釋書東寺作東大

研窮真言宗為阿闍梨三代實錄兼扣二年勅給平城坊

都水陸地四十餘町續日本貞觀初高岳表請以大

同四年所賜上毛野獻努石上內親王等平城水田

五十五町若干頂還施不退超界二寺許之三代實錄三

年入唐求法三代實錄清和紀陽成紀梅光孝紀作

在唐十餘年不返子善淵等以不測其存沒上表請

還納其封不許元慶三年陽成帝勅從其請五年學

問僧中瓘自唐上牒告高岳赴西域至羅越國而薨

帝下詔痛惜焉三代實錄按元亨釋書曰高岳入唐

大寺僧凝然所撰和漢合運高岳初以年少早升儲

曆曰至羅越國被虎害而薨貳世人號曰薄居太子識者以為不祥之兆也果而

杖

倣見廢續日本後紀子善淵安負皆賜姓在原朝臣

善淵齊衡未歷大舍人頭中務少輔天安中為治部

太輔紀伊守三代實錄貞觀中拜大和守累仕內匠

頭大藏大輔為山城權守善淵初在童齡以父故為

平城帝所推用深感其恩帝晏駕後常念結精廬於

陵次以薦其福或事未得遂則姑使一僧代住而並

未得果乃奏請即高岳嘗所居堂舍舊趾築寺以償

宿志詔許之仍於平城買廢地鑿闢為田以供繕脩

資既而有司稱格旨收為勅旨田至是又奏訖其事

請永賜為私田詔許之尋任神祇伯至從四位上復

拜大和守三代實錄按皇胤紹運錄曰善淵削髮法

安負歷太宰少貳肥後攝津守至正五位下三代實錄

巨勢親王弘仁初給伊賀稻四十束近江稻四十束

類聚元慶六年八月薨陽成帝不視事三日依喪家

所辭不仕緣幕諸司三代實錄

嵯峨帝二十三皇子橘皇后生第二子仁明帝續日本後

紀文德實錄第三子秀良親王續日本妃高津內親王生

第一子業良親王按三代實錄為第二子皇胤紹運

記皆帝秀良之下然續日本後紀以仁明帝為女御

百濟費命生第四子基良親王紹運錄第五子忠良

親王續日本後紀要記作第四子今從文更衣飯高

宅負生第九子源常又德實錄第十一子源明補公卿

紹運尚侍百濟慶命生第十二子源定三代實錄宮

人某氏生第六子淳王紹運竝繼子生第十五子源

生補仕紹運錄大原金子生第十八子源融第十九

子源勤紹運錄要記按續日本後紀兼和五年十廣

井氏生第七子源信上乞野氏生第八子源弘三代實錄

紹運安倍楊津生第十子源寬紹運錄源啓更衣山

田近子所生也三代實錄源鎮尚侍百濟慶命所生

也源氏系要記源清宮人秋篠高子所生也紹運錄源澄

田中氏所生也紹運錄源安粟田氏所生也文德錄源

勝惟良氏所生也三代實錄源賢長因氏所生也要記編

源繼某氏所生也紹運錄按諸書啓淳賢並事闕

業良親王負觀十年正月薨清和帝不視事三日業

良早感心疾無位而終三代實錄子正內王從四位下三代

實錄類聚國史秀良親王天長九年叙三品賜沒官書一十六百九

十三卷日本紀畧仁明帝即位為中務卿改彈正尹兼和

元年更賜所沒其外家橘奈良麻呂書四百八十餘

卷二年任太宰帥彈正尹如故三年給諸國地田二

百六十餘町明年加給加賀石川郡廢田四十九町

七年進二品九年任上野太守續日本元慶中班田

使誤收其攝津壑田秀良奏訴救還給之三代實錄寬平

七年正月薨年七十九一代要記皇

基良親王天長八年六月薨日本紀畧

忠良親王兼和元年授四品三年為上總太守五年

遷常陸太守七年為兵部卿嘉祥三年進三品續日本

紀文德帝即位賜帶劔仁壽三年再為上總太守德

錄實清和帝即位加二品貞觀二年遷上野太守兵部

卿如故先是下詔禁諸國國司養鷹出獵特聽忠良

以和鷹二聯獵五畿內禁野傍明年給攝津豐島郡

荒田五十七町五年轉式部卿上野太守如故八年

勅聽養鷹鷄各二聯十三年再為上野太守十四年

任太宰帥式部卿如故三代實錄後因病表罷職官家不

聽十八年二月薨三代實錄年五十八帝不視朝三日三代

源信弘仁五年五月賜皇子皇女未為親王者信弘

常明貞姬潔姬全姬善姬姓源朝臣貫右京詔曰朕

當揖讓纂踐天位德愧睦邇化謝覃遠歲序屢換男

女漸衆未識子道已為人父辱累封邑空費府庫朕

佛于懷恩除親王之號賜朝臣之姓編為同籍從事
於公出身之初一叙六位唯前號親王不可更改同
母後產猶復一列其餘如可聞者朕特裁下公卿奏
論恐後世有陛下早枝葉議也不報三代實錄信為
第一源氏皇子賜源姓者始于此三代實錄明年皆
改貫左京一條補任信率性弘雅風尚不恒好讀書
傳兼善草隸工繪事尤長畫馬帝親教音律皆窮其
精微三代實錄天長中叙從四位上歷侍從遷治部卿兼
播磨權守拜參議為左兵衛督三代實錄兼和初累
進正三位歷兼左近衛中將左衛門督近江武藏守

九年拜中納言

續日本後紀
三代實錄

明年嵯峨帝小祥有司

豫嘗言太上天皇周忌齊日正在七月十五日壬寅
是太上天皇本命元辰也伏按朝章三官本命之日
猶忌行凶事而況重于太皇太后及聖上本命乎伏
請齊會之期移取十四日辛丑衆皆以為允當太皇
太后亦許之信及參議源弘等奏言臣等奉遵顧命
期不違失今如斯議竊恐乖遺詔何者遺詔曰勿拘
俗事然則何須拘忌又曰送葬勿過三日若當時大
行未發前三日內有寅者亦復避之耶又後年周忌
或有寅日亦猶避之耶時帝病熱不能面議勅大納

言藤原良房與公卿議奏曰三官本今日不舉凶事
負古之蹤不為無據謹按遺詔勿拘俗事者蓋謂卿
曲碎事耳非指朝家舊章也然則當彼時三日內如
有可避則避之無疑周忌齊會臣子縞素凡厥舉動
總是不祥是以忌之耳後年國忌豈可與同乎偏守
一隅不是通論也信等言竟不行續日本後紀嘉祥元年
轉大納言續日本後紀文德帝即位授從二位兼皇
太子傅文德實錄齊衡元年兼右近衛大將三代實錄
係仁壽中今天安元年拜左大臣抗表辭職不許三代實錄
實錄作齊衡初初帝愛皇子惟喬親王有易儲之意
今從文德實錄

一日從容告之信信曰皇太子有罪則宜廢之若無
罪則不可論佗臣不敢奉詔帝甚不悅而止大鏡書清
和帝即位進正二位貞觀元年詔賜攝津為奈野為
遊獵之地明年給山城宇治郡地二十五町三代實錄六
年大納言伴善男欲除信代為大臣拔匿名書曰信
與中納言源融右衛門督源勤等同謀反因於廷證
成其罪明年春以信家人清原春瀧為日向掾左馬
少屬土師忠道為甲斐權掾左衛門府生日下部遠
藤為肥後權大目三人皆善弓馬陽加犂擢實奪凡
牙也八年春善男使子中庸火應天門誣信所為與

右大臣藤原良相謀欲圍信第召參議藤原基經命
之基經曰太政大臣知之歟良相曰太政大臣崇佛
本慈必不能決之也基經曰此非輕事安得不蒙其
處分乎乃出告良房良房愕然遽奏曰信援立陛下
功固不少矣今忽被戮老臣不知其罪若信必見誅
請老臣先伏罪帝聞大驚敕遣參議大枝音人左中
辨藤原家宗等就第慰諭信事起倉卒信危懼計無
所出乃獻其賓從四十餘人駿馬十二匹以示無異
志朝廷不受尋帝知善男之奸流之伊豆信自是大
懼橫禍杜門不肯朝

三代實錄大鏡
裏書宇治拾遺

性喜鷹馬射獵

屢往攝津遊畋遣問敕聽養鷹三聯鷓二聯九年抗
表辭官詔答曰公資兼文武寄重親賢先朝尚能知
其蕭散之性不貴以僂佻之功况自朕在青宮久勞
保傳以至今日賴公翼贊也往年遣前學士大枝音
人深喻朕意既念得其忘筌何今煩此辭職夫剪絲
竹以養真翫鷹馬以忘老公自任索性耳朕亦未之
咎焉昔之干木偃息魏候高枕先事不忘今者攸望
宜彌勵乃誠莫煩表請又敕返賜七年中所收山城
相樂郡舊鑄錢司地二十町但採銅依舊十年閏十
二月獵爲奈野墮馬陷泥氣殆絕左右扶起而還因

病數日而薨年五十九信嘗造一室於北山下設床
居棺鎖閉四壁不令人畜犯及薨遂葬于此遺命薄
葬殯殮之期人多不知也明年元日帝不受朝罷宴
尋遣參議源生大學頭潔世王等就第宣制贈正一
位三代實錄信居一條北邊因攝北邊大臣紹運錄補任
本及要記北子叶平茶有好保仕昌尋三代實錄尊
遺作山邊誤平從四位上相模權守大膳大夫茶初
不詳其次序姑列諸子末名謹貞觀中為雅樂頭遷陸奧守請改今名元慶二
年叛夷燒秋田城出羽守藤原興世上奏請援數救
茶發陸奧兵助之後入為民部太輔至從四位下有

從四位下因幡守尾張權守好從五位上備前守保

從五位下若狹守三代實錄任善彈箏源氏系圖按

仕為信仍叙從五位下三代實錄延喜中為武藏權去

任之後燒官舍取公物襲守高向利春於國府扶桑

按本書不載攻利昌紀伊守源氏系圖尋天資昏愚信絕

不為子而遂之後復召還之尋不時至而信薨元慶

中兄平茶保等奏請賜姓編屬籍詔賜姓春朝臣三代

實錄源弘為第二源氏三代實錄天長五年叙從四位下

七年為宮內卿九年兼播磨權守十年遷信濃守兼

和初任刑部卿遷治部卿為美作守九年拜參議餘
官如故十二年轉兼尾張守十三年兼左大辨為山
城班田使長官明年授從三位嘉祥元年為中納言
續日本後紀仁壽元年進正三位文德實錄貞觀元
三代實錄年遷大納言五年正月薨年五十二
皇胤紹運錄補任按帝一代要記作
王編年記作廣八幡誤弘幼
而聰警好讀經史尤善隸書為人寬弘仁愛通曉政
體視事精斷初帝視諸子中弘最好學特賜以經籍
故家藏書倍於他子性好絲竹無退衙以琴書自娛
三代實錄子同撰雙彌道希悅慙就昭近源氏系圖同歷

侍從大學頭中務少輔刑部太輔三代實錄遷從五位下
系圖作從五位上左兵庫頭周防三代實錄從五位
今從三代實錄上
上備後權守越前權外弼從五位上宮內大輔兼大
和權守三代實錄道從五位下侍從下野信濃守三代
實錄類聚國史希寬平中歷侍從藏人頭兼修理大夫左近
衛中將伊豫守等官拜參議補任職事請割周防祖
毅充鑄錢料雜物直奏可類聚三尋兼左大辨昌恭
中至從三位終中納言兼民部卿補任悅從三位東宮
亮太宰大貳參議宮內卿兼左大辨近江伊豫等守
補任慙從五位下就從五位上大藏少輔上野外昭藏

人加賀守近從五位上甲斐權守鑄錢長官源氏系圖

源常為第三源氏文德實錄公卿補任天資深沈風神爽秀寵

超諸子天長初教授帶劔五年叙從四位下七年為

兵部卿八年授從三位明年起拜中納言兵部卿如

故大德實錄仁明帝立進正三位補任作正二位今從續

給山城綴喜郡閑地五町續日本後紀兼和初兼左近衛

大將為大納言七年拜右大臣兼皇太子傳續日本後紀

德實錄八年進從二位明年皇太子廢常與左大臣藤

原緒嗣等表請立文德帝仍兼皇太子傳續日本後紀十

一年轉左大臣續日本後紀上表請減封不許固請

不已優答聽之頻辭大將不許續日本後紀文德帝立進

正二位齋衡元年六月薨文德實錄年四十三按一代要

紀作年四十四源氏系圖贈正一位遺命辭監護葬

事及贈位文德實錄稱東三條左大臣補任紹常在官舉

止閑雅言論和順務進才能退讓佞時人以為有亟

相之器文德實錄常奉勅預撰日本後紀類聚國史載子

興穎直相備源氏系圖興美容止外雄峻內寬柔三代

實錄官至從四位上歷侍從右近衛中將藏人頭兼阿

波守續日本後紀文德實錄穎從四位下侍從民部

少輔信濃大和等守但馬權守續日本後紀文德實錄類聚國

史直歷侍從藏人頭右近衛權中將山城肥後美濃

權守相模備中守拜參議終于從三位兼民部卿讚

岐權守三代實錄補任相從五位下周防少藏人三代實錄備從

五位下系圖

源寬幼耽學帝雅好文章愛才重士欲達其才屢勉

勵之始冠叙正六位上及第補文章生三代實錄兼和三

年進從四位上六年拜加賀守續日本後紀遷河波

守續日本後紀河波作加賀今從十二年兼神祇伯

十四年任右京大夫續日本後紀仁明帝崩寬與中

納言源定大藏卿平高棟等為山作司文德實錄尋為刑

部卿三代實錄仁壽二年兼越中守文德實錄貞觀五年

任宮內卿十二年遷伊豫守十八年五月卒年六十

四寬天資質直不妄交游又不以政事為意故官爵

不得大登三代實錄子矜宥源氏系圖矜從五位上加賀權少

宥從五位下長門三代實錄

源明為第五源氏公卿補任性甚朗悟帝頗器重之勸令

讀書與大學生山田春城周旋成業遂博覽諸子百

家天長九年為大學頭文德實錄兼和中兼加賀近江播

磨守任左京大夫授從四位下遷刑部卿轉兼越中

守嘉祥元年遷河波守二年拜參議餘官如故續日本後

紀文德 實錄 及帝崩明哀慕過甚廢學為僧改名素然德文

錄實 居橫川稱宰相入道皇胤紹運仁壽二年十二月

終于橫川年五十文德實錄源氏系圖按子舒建穎

系圖尊早分脉按三代實錄建或作遠系舒兼和元

慶間歷正四位下藏人頭參議兼左大辨左近衛中

將近江權守檢校山城班田右衛門督讚岐權守等

官三代實錄補仕建歷從五位上大藏大輔相模人三代實錄類聚

國穎從五位下系圖按常子有穎不

源定為第六源氏三代實錄公卿補仕生而岐嶷帝令淳和帝

子之淳和帝愛之視過所生使寵姬永原氏為之母

故時人謂定有二父母天長四年淳和帝奉書請特

不拘前詔賜定以親王號以寵異之不聽三代實錄明年

賜姓源朝臣補仕九年擢授從三位為美作守十年拜

參議續日本後紀兼治部卿補仕係九年三代實錄

後兼和元年遷中務卿五年兼播磨守七年淳和帝

崩定上表乞罷職勅解參議續日本後紀作并罷中

仕特賜食封百戶十四年再拜參議明年兼尾張守

續日本後紀 嘉祥二年拜中納言丁母憂去職奪情

起之三代實錄文德帝即位敕賜帶劔文德實錄進正三位文德

代實錄 仁壽三年兼左兵衛督補仕作仁壽二年兼

三年為左兵衛督
今從三代實錄
天安元年患病上表辭左兵衛督

三代實錄
二年兼右近衛大將貞觀元年任大納言

三年詔聽私養鷹鷄各二聯獵山城河內和泉攝津

等禁野之外五年正月薨年四十九遣伊豫守豐前

王從五位下田口統範等就第宣制贈從二位
三代實錄

稱四條大納言
補任尊又稱楊梅大納言
分職

圖又稱賀陽院大納言
補任定長於深宮未嘗知人間

艱難家事一無所問性溫雅好音樂常陳鐘鼓於庭

每退朝舉樂自娛
三代實錄子包宥
尊早分脈源氏系圖

應同名疑至
分脈作致今從精唱
脈分包藏人文章生

民部大輔信濃守
三代實錄宥藏人
系圖至從四位上侍

從右兵衛佐中務大輔右京大夫兼相模守
三代實錄

實錄類精歷雅樂頭任太宰少貳仁和中以貢鸕鷀

違期罪當杖一百刑部省奏贖銅九斤
三代實錄唱

侍從中務少輔右大辨
三代實錄帝令仁明帝子之兼和五

源融為第十二源氏
公卿補任

年皇太子元服之日同共冠於禁中叙正四位下賜

宸筆位記六年為侍從
續日本八年任相模守
補任九

年轉近江守
按補任云九年任權守十四十四年任

美作守
補任係嘉祥元年嘉祥元年兼右近衛中將

三年進從三位續日本後紀任右衛門督補齋衡元年遷
伊勢守文德實錄三年拜參議餘官如故補負觀初進正
三位累兼近江守是歲詔聽獵大和宇陀野五年轉
兼左衛門督六年拜中納言兼陸奧出羽按察使敕
聽養鷹三聯鵠二聯十二年遷大納言十四年以其
勤勞近親詔拜左大臣十五年進從二位兼皇太子
傳上表請還封十戶優答不許三代實錄元慶元年
陽成帝即位思其輔導勞勅授正二位三代實錄連表
辭職不許八年帝遜位出宮諸親王已下文武百官
備駕奉迎光孝帝於藩邸太政大臣基經先往候起

居解劔而入融時與兵部卿本康親王佩劔侍帝側
相顧大驚各自撤之三代實錄按融先是已聽帝
即勅賜三人帶劔三代實錄六月詔令就太政官廳
聽政融有故自貞觀十八年冬杜門不朝至是始出
視事三代實錄按融杜門不出本史不載其故又按
僚於陣議之融曰若問皇家之近親融等有焉基經
曰未聞自古皇親賜姓為臣而即位者融無言大鏡
所載畧同而舊史宇多帝即位進從一位寬平六年
無明證故不書
聽乘輦車出入宮中補七年八月薨年七十四扶桑
代皇紀作七十二未知孰是勅贈正一位補融置別
業於宇治陽成宇多朱雀雀諸帝嘗遊幸焉後關白道

長求領之至子賴通拾為寺曰平等院花鳥餘情引李部王記

又創山莊於嵯峨曰博霞觀清和帝脫屣之後嘗御

焉三代實錄又營河原院於東六條居焉梅十割抄拾芥抄並云河原院

在六條北坊門南萬里小路東鴨河西方四町臺閣水石巧窮華詭取鱗

以致池中每月使汲難波潮二十斛日煮塩以換陸

奧塩竈浦之景後世盛稱勝事稱河原左大臣及薨

其家獻諸宇多法皇古今集願昭古今子堪昇泊望

副源氏系圖尊早分脉按分脉以湛為清之湛至從

三位仕大納言兼陸奧出羽按察使伊勢守昇正三

位大納言兼民部卿讚岐守補有子曰是茂光孝帝

龍潛日養為子及即位賜姓源朝臣分脉系圖天慶初仕

權中納言兼民部卿至從三位補四年八月鼠鬻斷

大政官攬紐是茂惡之以為已當之閉門為厭勝歷

八日果薨日本紀泊侍從望從五位上土左權守三代

實錄副從四位下兵部太輔畧記源氏系圖性好酒亭子院八

飲之一也畧記及本朝文粹副作嗣誤今從其標書引

朝野群載源勤為第十三源氏兼和十四年叙從四位上續日本後

紀為山城守補仁壽元年任阿波守齋衡中仕右近

衛中將遷伊豫守中將如故天安二年為宮内卿文

德帝崩與勘解由次官藤原宜監護左右馬寮仕右

兵衛督三代實錄自觀中為相模守拜參議遷右衛

門督兼近江守三代實錄十七年進從三位元慶初

兼播磨權守五年五月薨三代實錄年五十八稱西七條

宰相源氏系子溫激浣凝系圖溫侍從伊勢三代實錄

按系圖作伊激從五位下浣從四位上右馬頭凝筑

前守系圖

源鎮兼和二年叙從四位上類聚四年授神護寺為

僧續日本後紀稱白雲禪師尊卑分脈

源生為第九源氏公卿兼和五年叙從四位上十年

為加賀守續日本後紀嘉祥三年遷山城守補仁壽元年

仕左京大夫齋衛中兼美作守實錄遷治部卿補天

安二年授正四位下自觀初遷大藏卿三年為筑前

守尋兼讚岐權守六年拜參議九年兼相模守尋兼

右衛門督續日本後紀十四年因病辭右衛門

督雜髮法名今八月卒三代實錄年五十二類聚國史

任一說作年五十四今考一代要記生以負觀六年

二子加見系圖加正五位下侍從加賀備前權守見

從五位下三代實錄

源澄以母田中氏故世稱田中君源氏系圖子治蔭堪潤

系圖治從四位上侍從大舍人頭因幡權守三代實錄

叙從五位下聚陽成帝乳母紀金子生子益益一日

侍殿上被格殺事秘無知焉三代實錄堪藏人潤從五位

下武藏權系圖

源安習射不好文書文德實錄兼和十二年叙從四位上

嘉祥三年為備中守續日本後紀仁壽三年四月卒

年三十二實錄子來從五位下三代實錄類聚

源清為僧法名闕今稱秋篠禪師皇胤紹運錄一代

橋廣相就嵯峨隱君子問事謂隱君子則嵯峨源氏

清之類歟又按玉海治兼四年八月條載大外記清

原賴業語曰負觀中大極殿火時人謂宜遷都嵯峨

隱君子聞之云桓武聖主鑒如此可久為帝都故新

處營宮不宜改築也事遂止德此則隱君子時去帝

世未甚遠而江談抄說亦似有可取也然未見其果

為帝子之明文姑闕疑候考證

源啓以母寵故鍾愛教元常子養之常視之如所生

資給頗厚招大學生有才學者為師讀書啓尤好文

章善射能歌為人謹厚美音儀昆弟中皆推敬之三代

實仁壽元年叙正六位上進從四位上齋衡中拜越

中守三代實錄文德帝崩啓與中納言橘峯繼下野

守豐江王從四位下茂世王等為山作司三代實錄負觀

元年遷加賀守五年任相模守十一年遷越前守並

不之任性崇信釋教與姪直約共出家未果遭病遂

為僧法名闕今八月卒年四十一三代實錄子記尋並從

五位下源氏系圖按類聚國史云元慶元年十一月

作紀又按信子有尋不應同名疑又有記

源繼授從三位皇胤結

源勝天長十年給攝津百濟郡荒田二十七町嘉祥

二年叙從四位上續日本辭仕為僧改名申連實錄三代

稱竹田禪師皇胤結性聰明博涉梵筌兼好老莊尤

有巧思所營皆窮妙仁和二年七月卒實錄三代子良從

五位下三代實錄

大日本史卷之九十終

天保十二年辛丑年四月十三日

中村直道

